



2024

**XX VISITA ASTURIANA PA PESCUDET
L'ESTÁU DE LOS DRECHOS HUMANOS Y
LA PAZ EN COLOMBIA**

XX VISITA ASTURIANA PA PESCUDAR L'ESTÁU DE LOS DRECHOS HUMANOS Y LA PAZ EN COLOMBIA

XX VISITA ASTURIANA PA PESCUDAR L'ESTÁU DE LOS DRECHOS HUMANOS Y LA PAZ EN COLOMBIA

2024

**Visita realizada ente'l
7 y el 19 d'abril del 2024**

La XX^a delegación asturiana agradez l'acompañamiento na nuesa visita por parte de les organizaciones integrantes del Comité de Selección del Programa Asturianu d'Atención a Víctimes de la Violencia en Colombia: MOVICE, ANDAS, ONIC, CSPP, CPDH, CUT, CAJAR, CNA y Fensuagro.

Semeyes: XX Delegación Asturiana

Edita: XX Delegación Asturiana pa Pescudar l'Estáu de los Drechos Humanos y la Paz en Colombia, col apoyu del Conceyu Llangréu + ProtectDefenders.eu

Traduz: Xosé Firmu García Cosío

D.L.: AS 02065-2024

Imprime: Gráfiques Ápel

COMPONENTES DE LA XX DELEGACIÓN ASTURIANA DE DRECHOS HUMANOS Y PAZ

Parllamentarios/es TESLEM ANDALA UBBI, RAFAEL COFIÑO FERNÁNDEZ y NAHUEL GONZÁLEZ LÓPEZ, integrantes del Congresu de los Diputaos y les Diputaes d'España, Grupu Políticu Plurinacional SUMAR.

ALDO TUYA SÁNCHEZ, Comisiones Obreres d'Asturies, CC. OO.

ESTEBAN ÁLVAREZ GARCÍA y ROCÍO MARTÍNEZ YAÑEZ, Unión Xeneral de Trabayadores (UXT) Asturies.

INMACULADA GONZÁLEZ CARBAJAL GARCÍA, Coordinadora d'ONGDS d'Asturies (CODOPA).

JAVIER ARJONA MUÑOZ, Asociación de Solidaridá y Cooperación Internacional SOLDEPAZ PACHAKUTI.

ANDREA GALÁN SANTAMARINA y ADRIÁN GARCÍA DÍAZ, Asamblea Moza d'Asturies (AMA).

JOSÉ ÁNGEL CUETOS SUÁREZ, Asociación Hispano Cubana Paz y Amistá.

YURENA MARINA SABIO SUÁREZ, Conseyu de la Mocedá de Xixón (CMX).

DANIEL SIERRA SUÁREZ, Conseyu de la Mocedá del Principáu d'Asturies (CMPA).

TXEMA ABAIGAR PÉREZ DE VIÑASPRE, Coordinación Trawunche Madrid.

JAVIER OROZCO PEÑARANDA, Programa Asturianu de Drechos Humanos. Técnicu de la XX Delegación Asturiana de Drechos Humanos y Paz.

REXONES VISITAES:

Norte del Cauca: territorios del puelu nasa en Santander de Quilichao, Caloto y Corinto.

En Buenos Aires: territorios colectivos de les comunidaes negres del Conseyu Comunitariu Conques de los ríos Cauca, Teta y Mazamorlero.

Sur de Valle del Cauca: conceyos de Pradera y Tuluá.

Departamentu de Caldas: resguardu Cañamomo y Lomaprieta del puelu indíxena embera chamí de Riosucio.

Centru y Norte del Tolima: conceyu d'Ibagué. ETCR de la collación La Fila n'Icononzo.

Rexón de Sumapaz: conceyu d'Arbeláez (Cundinamarca).

Bogotá D.C.

Pallabres d'integrantes de les organizaciones del Comité de Selección del Programa Asturianu nel homenaxe a la delegación asturiana nel vixésimu aniversariu. Bogotá, 16 d'abril del 2024:

“Gratitú al Programa Asturianu qu'ayudó a salvar vides y proyectos políticos, y a defender los drechos humanos, que son la mayor bandera del movimientu social colombianu y d'América Llatina”.

“El Programa Asturianu da vida al protexer personnes, organizaciones y procesos sociales. La delegación asturiana, con munchu valor, enfrenta los peligros de los territorios en conflictu a los que la mandamos en misión d'observación y solidaridá”.

“Sentíme en familia ente los blancos asturianos, que tamién vinieron a la finca La Europa a ayudar a capiar la persecución nel territoriu. Somos la voz de los más vulnerables y eso a dalgunos nun-yos gusta”.

“Hai una crisis de los drechos humanos y hai peligru de qu'arraigone nuevamente la violencia en munches rexones pa desestabilizar al gobiernu del cambéu. Ye un momentu de crisis del proyecetu de paz dafechu del gobiernu”.



Audiencia en Ibagué/Tolima.

I**N****D****I****Z**

Presentación	9
ESTÁU DE LA PAZ, UNA ESPERANZA RESISTENTE	11
Alcuerdos de L'Habana y del procesu de paz coles FARC	11
Xurisdicción Especial pa la Paz, XEP	14
Unidá de Busca de Persones daes por Desapaecíes, UBPDD	16
Comisión de la Verdá	17
Reforma Rural Integral	17
Diálogos col ELN	19
ESTÁU DE LOS DRECHOS HUMANOS NEL 2023	20
Norte del Cauca	30
Reunión cola ACIN, territorios del puelu indíxena nasa	30
Actu d'homenaxe a les víctimes. Buenos Aires (Cauca), territorios colectivos de les comunidaes negres	32
Centru y sur de Valle del Cauca	33
Audiciencia nel conceyu de Pradera	33
Audiciencia nel conceyu de Tuluá	34
Caldas, puelu indíxena embera chamí de Riosucio	35
Tolima	38
Audiciencia n'Ibagué	38
Reunión con firmantes de la paz nel ETCR (Espaciu Territorial de Capacitación y Reincorporación) “Antonio Nariño”, La Fila (Icononzo, Tolima)	40
Cundinamarca	
Audiciencia de Sumapaz n'Arbeláez	42
La situación nes alcárceles	46
Visita a l'Alcárcel y Penitenciaría con Alta y Media Seguridá pa Muyeres de Bogotá “El Bon Pastor”	47
Visita al Complexu Carcelariu y Penitenciariu con Alta, Media y Mínima Seguridá de Bogotá (COBOG) “La Picota”	47
Impautos psicosociales observaos na vixésima visita a Colombia	50
Conclusiones y recomendaciones	52
Instituciones y organizaciones entrevistaes	53



Reunión con la Unidad de Búsqueda de Personas dadas por Desaparecidas.

PRESENTACIÓN


“Nós tamos pa sirvir al puelu. Nun tamos perriba del puelu colombianu (...) Yo nun podría faer otra cosa. Ye parte de la mio dignidá personal y del mio amor social”.

Luis Guillermo Pérez Casas

Preside esta introducción una semeya de la mano de Javier Orozco cola llibreta na que toma notes. La imaxe ta tomada n'abril del 2024 nuna reunión bastante dura con representantes de Conceyos nun pueblín de Cundinamarca. Pue vese una mano firme, sólida. La mano ye una xeografía tan precisa y nítida como les que tien un país. El tiempu –con too y ser más efímeru nos nuesos cuerpos que nos continentes– escribe de manera asemeyada, como d'engurries o caleyes. Les lletres que vemos na imaxe son tamién un espenu de xeografíes, de narratives y biografíes del puelu colombianu. Javier Orozco y Javier Arjona, dos de les personas imprescindibles nesta delegación asturiana, saben que la mejor manera d'affitar drechos ye abrir les llibretes, escuchar, recibir les pallabres, amplificales y defender les democracies. Y d'esto va esti informe: de defender les democracies y les llibertaes y la xusticia.

La llibreta de la imaxe ye una les llibretes nes que s'anotaron les miles de pallabres pronunciaes nes reuniones, entrevistes, alcuentros, asamblees y visites que se realizaron dende'l 7 d'abril al 20 d'abril del 2024. La llibreta, esa mano de Javier, la so otra mano y les otros manes de les personas que formaben la Delegación pa Pescudar l'Estáu de los Drechos Humanos en Colombia –treinta manes en definitiva, quince cuerpos como ún solu– viaxaron dende Bogotá al norte y al sur del Valle del Cauca –Santader de Quilichao, Caloto y Corinto, Pradera y Tuluá–, a Caldas –na esquina de Cañamomo-Lomaprieta–, al centru y norte de Tolima –Ibagué y a la collación de La Fila n'Icononzo–, a Cundinamarca y a esi llar formosu n'Arbeláez pa de nuevo dexase cayer hasta Boyacá y xubir a acabar los últimos díes de visita na infinita y alta Bogotá.

La delegación asturiana lleva venti años realizando esta visita a Colombia pa la supervisión del cumplimientu



de los drechos humanos nel país americanu. Venticuatro años de trabayu de la delegación y venti años nel terrén con llibretes y pallabres anotaes con dolor, rabia, valor y ánimu. Si pudiéremos revisar una a una les llibretes veríemos que les pallabres anotáronse con más intensidá a partir d'aquel agostu del 2016 en que se proclama “l'Alcuerdu Final pa la Terminación del Conflictu y la Construcción d'una Paz Estable y Duradera” ente'l gobiernu colombianu y les FARC. Y notaríemos tamién que les anotaciones enllénense d'esperanza dende'l 2022 cola llegada de Gustavo Petro y d'un gobiernu progresista a la presidencia del país cola misión non solo de seguir avanzando nuna solución del conflictu violentu sinón n'iguar les causes de les causes que lleven a les violencies.



Van dir lleendo nes páxines siguientes l'informe detailláu de la visita de la delegación esti añu. Hai un filu que conecta les rexones visitaes y un mensaxe fundamental: seguir apoyando'l procesu de paz, defender los drechos de los firmantes y de los axentes sociales en situación de peligru, garantizar les estructures democrátiques de gobiernu, axilizar a l'alministración pa los elementos de protección y vixilancia de los alcuerdos. Y aquella meta amplia qu'anantes apuntábemos: faer polítiques anches qu'ameyoren les condiciones de vida de les personnes, qu'ameyoren lo cotidiano y que destronen oligarquíes y privilexos que son l'affloramientu de la desigualdá y raíz de violencia.

Colombia tien una belleza enorme. Nel viaxe al dir, nel aeropuertu, primero de marchar colos mios compañeros diputaos, afirmábemos qu'esti viaxe diba ser una de les coses que se mos grabaría con fueu na llexislatura. Toos llegábemos al país coles nueses referencies (Héctor Abad Gómez sobre too la mía no profesional y Mutis y el so Maqroll polo poético). Colombia como país de países y cultures, como tradición de comunidaes y de mujeres y homes como axentes de desarrollo y acción comunitaria. Colombia xenerosa y solidaria, tan guapa per fuera como per dentro al poder contemplar la perfección del so interior. Colombia que nos fixo rir tanto y ser tan felices y

que nos fixo tamién llorar tanto y too al tiempu ("ye complexa la vida, ye complexa la situación", "de toes formes gracies por venir", esi *de toes formes* tan significativu n'aquel alcuentru en La Fila).

Van dir lleendo nes páxines siguientes hestories diferentes. Nun-yos adelanto nada. Namás que queda munchu trabayu per delantre y que nos falten años tovía de llibretes y d'anotar pallabres. El filu del viaxe conecta a la delegación con diferentes personnes, proyectos, asociaciones, asamblees y comunidaes del país, con instituciones ciudadanes o de l'alministración, con vecinos y con personnes relevantes del gobiernu o d'entidaes internacionales como Naciones Xuníes.

El filu conviértese nuna rede más complexa. La diferencia d'un filu con una rede ye la tiez d'esta segunda. Pue cortase y romper rápidamente un filu, pero non una rede sólida. La rede caltién y aguanta.

La mio inmensa gratitú a toles personnes que dende Colombia ponen los sos cuerpos y los sos díes pa la construcción d'una sociedá mejor y d'un gran país. Dexamos constancia de que les vimos, falemos y comprobemos el so trabayu: dende neños de catorce años a mujeres sólides nos sos últimos años de vida. La mio inmensa gratitú tamién a toles personnes que formaron parte de la delegación asturiana, a elles y a les entidaes que representen, son tamién rede tamién p'Asturies y pal nuesu país. Gracies a los mios compañeros diputaos pola fraternidá. El parllamentu y el gobiernu del nuesu país tien de ser tamién puntu de sofitu p'apoyar los procesos de paz y les polítiques entamaes dende Colombia. Gracies mui especialmente a Javier Arjona y a Javier Orozco como constructores d'un proyectu de paz y xusticia. A un llau y otru del océanu caminamos nos llombos de xigantes. Contemporáneos. Imprescindibles.

Rafa Cofiño

Diputáu d'Asturies nel grupu parllamentariu Sumar
Congresu de los Diputaos y les Diputaes d'España

LA PAZ, UNA ESPERANZA RESISTENTE

ALCUERDOS DE L'HABANA Y DEL PROCESU DE PAZ COLES FARC

“Yo quiero que s’abra'l discutiniu porque va tocamos dir a les Naciones Xuníes, cada trés meses... pero esta vegada va dir el presidente de la República y va tener que decir que definitivamente l’Estáu de Colombia nun quier cumplir l’alcuerdu de paz que firmó... y eso pue llevar al arramamientu de sangre... Si nós nun cumplimos lo que firmemos lo que vien ye l’arramamientu de sangre, violencia n’otres escales, n’otres formes y d’otra manera, porquel’ tiempu y la hestoria cambien, pero nun tamos semando'l camín de la paz. El camín de la paz pasa per cumplir”. Declaraciones del presidente GUSTAVO PETRO, el 14 de mayu del 2024.¹

“Los primeros años tres la firma del alcuerdu yeren cruciales pa dar puxu a la realización y afitar l’enfotu ciudadanu no pautao y nos mecanismos contemplaos pa la construcción de la paz. Con too y con eso, una torga significativa pal cumplimiento foi'l contestu políticu desfavorable posterior a la firma. Los fechos denunciaos pola XEP en marzu del 2023 referentes al actuar de la Fiscalía nel asuntu “Santrich” nun se puen lleer de manera aisllada, sinón que s’enmarquen nun contestu d’ataques escontra l’alcuerdu y el Sistema Integral”.²

El gobiernu del presidente GUSTAVO PETRO URREGO (2022-2026) propúnxose algamar la paz dafechu a partir del cumplimiento del alcuerdu robláu ente



Rueda de prensa en la ONIC.

l’Estáu y les FARC nel 2016 y abrir meses de diálogu, baxo la dirección del Altu Comisionáu pa la Paz, coles guerrilles: ELN y la so disidencia: el Frente Comuneros del Sur, coles disidencies Estáu Mayor Central EMC-FARC, cola Segunda Marquetalia-FARC, cola Coordinadora Guerrillera del Pacíficu y los Comandos de Frontera, y colos grupos paramilitares: Clan del Golfo o Autodefenses Gaitanistes de Colombia (AGC) y coles Autodefenses Conquistadores de la Sierra (ACSN). Tamién coles bandes criminales de Buenaventura Shottas y Espartanos, cola Oficina d’Envigado, los Llocos Yam, Los Mexicanos, les Fuercies Armaes RPS – el Cartel del Norte y los Zeta.

La paz de Colombia ye un propósitu compartíu por más d’once millones de personas qu’escoyerón a PETRO como presidente de la República con un programa centráu na busca de la paz y la xusticia social.

En tanto desmovilizaes, a les FARC reemplazáronles grupos paramilitares y bandes criminales pola inaición del gobiernu d’IVÁN DUQUE (2018-2022), qu’incumplió'l compromisu de combatir y escontarmar el paramilitarismu.

El conflictu armáu internu sigue y en delles rexones xubió d’intensidá con efectos graves pa la población civil, como los asesinatos de la dirixencia social y de los firmantes de la paz, sumándose a les violencies hestóriques orixinaes nel racismu, el clasismu y el patriarcáu.

L’incumplimentu del alcuerdu de paz aceleró la reconfiguración y la degradación del conflictu armáu internu y plantega dificultaes añadíes al propósitu de paz dafechu,

1 <https://efe.com/mundo/2024-05-14/petro-denunciara-en-onu-que-colombia-no-cumple-acuerdo-de-paz/>

2 https://www.ohchr.org/sites/default/files/documents/hrbodies_hrcouncil/sessions-regular/session55/advance-versions/A-HRC-55-18-sp-AdvanceUneditedVersion.pdf



al xenerar desconfianza n'otros procesos de diálogu pa la paz que se tán adelantando.

El gobiernu recalcó'l so compromisu pa desarrollar completamente l'alcuerdu de paz como parte de la so política de paz dafechu. "Incumplir l'alcuerdu de paz trai consecuencias graves, ente elles la perda de credibilidá del Estáu colombianu delantre'l mundiu, porque comprometióse énte'l mundiu, non solo énte unos señores armaos".³

L'alcuerdu de paz del 2016 coles FARC-EP ta depositáu nel Conseyu de Seguridá de les Naciones Xuníes baxo la fórmula de "Declaración Unilateral d'Estáu", lo qu'obliga al so cumplimientu.

"Esa declaración unilateral d'Estáu obliga a tolos gobiernos a cumplila. Nun cambia cola llegada d'otru gobiernu, nun cambia cola Constitución, por dicilo asina ye supraconstitucional. Esto ye, tien un estatus xurídico

qu'obliga vinculanteamente al Estáu y a la sociedá a cumplir l'alcuerdu de paz, que tien una vixencia de 12 años".⁴

Reactivó espacios fundamentales, como'l Comité de Siguimientu, Puxu y Comprobación del Cumplimientu (CSIVI); la Comisión Nacional de Garantíes de Seguridá; el Conseyu Nacional de Paz, Reconciliación y Convivencia; la Instancia Especial de Muyeres pal Enfoque de Xéneru na Paz y la Instancia Especial d'Altu Nivel de los Pueblos Étnicos, y aprobóse una política d'esmantelamiento d'organizaciones y conductes criminales en setiembre del 2023.

La Organización de Naciones Xuníes, a traviés del secretariu xeneral António Guterres, reconoció en xunetu del 2023, avances nel cumplimientu del alcuerdu de paz cola atención a 10.564 ex-combatientes (2.575 muyeres), qu'adelanten procesos de reincorporación individual y colectiva en 605 conceyos y 75 árees de reincorporación colectiva, precisando que'l 77% de les personnes ex-com-

3 <https://efe.com/mundo/2024-05-14/petro-denunciara-en-onu-que-colombia-no-cumple-acuerdo-de-paz/>

4 <https://fcp.gov.co/cumplimos-o-nos-aislamos-presidente-petro-frente-a-compromisos-con-la-onu-y-el-sistema-interamericano/>

batientes acreditaes participen en proyectos productivos, 62% d'elles individuales. El porcentaxe de mujeres ex-combatientes que participen en proyectos productivos ye del 86%.⁵

Sicasí, el presidente colombianu aseguró'l 15 de mayu del 2024, que Colombia nun cumplió los alcuerdos de paz que supervisa Naciones Xuníes, nin les sentencies sobre derechos políticos de la Corte Interamericana.⁶

Los avances nel alcuerdu de paz refiérense a l'adecuación normativa cola aprobación de 107 normes que lu desarrollen y a los avances del Sistema Integral de Verdá, Xusticia, Reparación y Non Repetición. Pela so parte, la Xurisdicción Especial de Paz asumió investigar once macrocasos y hai una estratexa pa la busca de personas desapaecíes. La Comisión de la Verdá presentó informe en xunu del 2022.

Tamién hai avances na reforma rural integral, cola titulación de tierres, la compra y la devolución de caseríes desapossiaes con violencia, la creación de la xurisdicción agraria y el reconocimiento del campesináu como suxetu de derechos.

Les dificultaes del alcuerdu de paz tienen que ver cola oposición a la paz y al alcuerdu por parte de los centros del poder económico y políticu, que temen ver afectaos los sos intereses pola “inseguridá xurídica”. Esos sectores desplegaron nos sos medios de comunicación una campaña masiva pa xenerar na ciudadanía desconfianza na paz y nel alcuerdu.

Los votos nel plebiscitu pola paz d'ochobre del 2016 escontra l'alcuerdu de paz sumaron el 50'21%, mientres qu'a favor del alcuerdu tevol' 49'7%, lo que da cuenta de la polarización de la sociedá no respetuive a la paz.

La matriz de opinión creada escontra la paz y l'alcuerdu basóse en noticies falses a partir d'un usu abusivu de la llei penal por parte de la Fiscalía Xeneral, como rexistró la esper-

5 <https://colombia.unmissions.org/secretario-general-reconoce-avances-en-la-implementaci%C3%B3n-del-alcuerdo-de-paz-y-destaca-el-%C3%A9nfasis-en>

6 <https://fcp.gov.co/cumplimos-o-nos-aislamos-presidente-petro-frente-a-compromisos-con-la-onu-y-el-sistema-interamericano/>



Acto de homenaje a la Delegación Asturiana en su vigésima visita a Colombia.

ta internacional ANTONIA URREJOLA, nel so informe al 55º periodu de sesiones del Conseyu de Drechos Humanos en febreru del 2024, tema 10 de l'axenda “Asistencia técnica y fomentu de la capacidá en Colombia”, nel qu'identifica les torgues nel desarrollu del alcuerdu de paz del 2016.⁷

Según la Organización de Naciones Xuníes falta una política d'Estáu qu'asegure'l cumplimientu del alcuerdu independientemente de les coxuntures polítiques y que resuelva la descoordinación ente instituciones.

7 <https://www.ohchr.org/sites/default/files/documents/hrbodies/hrcouncil/sessions-regular/session55/advance-versions/A-HRC-55-18-sp-AdvanceUneditedVersion.pdf>

XURISDICCIÓN ESPECIAL PA LA PAZ, XEP

El tribunal avanza nel so propósitu de que les víctimes conozan la verdá d'ataques graves a los drechos humanos cometíos nel conflictu armáu internu y dividió'l so trabayu n'once macrocasos⁸, de los qu'ocho son escontra les FARC.

Nel 2023 la XEP imputó los delitos de crímenes de guerra y escontra la humanidá al xeneral MARIO MONTOYA URIBE y al ex-comandante del exércitu JAIME LASPRILLA VILLAMIZAR, y tamién a componentes del antiguo Secretariáu del Estáu Mayor de les FARC.

Dalgunos firmantes de la paz tendríen perdíu l'enfotu nel procesu cola XEP y vuelto a les armes.

“Si la XEP se desllexitima porque les FARC colen d'esi tribunal, pierden les víctimes, pierde la sociedá”.⁹

Pa la Organización de Naciones Xuníes, en Colombia “ye pronto pa faer un balance, una valoración de la XEP, que ta na etapa de procesar once macrocasos mui complexos”.¹⁰

Pa les abogacíes defensores de quien firmaron la paz: “Exercemos la defensa de comparecientes énte la XEP por ser firmantes de la paz. La XEP da un tratu asimétricu porque nun asume investigaciones escontra l'Estáu, con too y con tar demostrada l'alianza ente integrantes de la fuerzia pública y los grupos paramilitares responsables d'exilios, desapaiciones forciaes, amagüestos xudiciales o usu abusivu de la llei penal, tratu cruel, inhumanu y degradante, tortures”.¹¹

L'ex-Secretariáu de les FARC considera que la XEP apártase de lo alcordao y xenera inestabilidá xurídica, lo que llevó a que “(...) varios firmantes de paz regresen a les armes, xunto a disidencies y grupos delincuenciales. (...) La XEP escedióse nel númeru de macrocasos, acér-



case al ‘punitivismu’ y l'Estáu nun reconoció responsabilidaes. (...) A pesar del nuesu cumplimientu no referente a la Xurisdicción preocúpamos l'empeñu de la XEP por alloñarse del espíritu y la lletra de lo alcordao, faciendo les so propies interpretaciones d'un testu que ye claru nos sos propósitos de paz, dau'l calter políticu del alcuerdu que firmemos col Estáu, pretendiendo llevalu a un terrén xudicial punitivista, más propiu d'un sometimientu a la xusticia, lo que ye contrario a la idea de centrar l'esfuerciu nos casos más representativos, que constitúin patrones de conductes qu'atenten al drechu internacional humanitariu y los drechos humanos, lo que disparó les alarmes frente a la seguridá xurídica del conxuntu de firmantes del alcuerdu y provocándo-yos desconfianza, lo que se traduz na decisión d'apartase de los compromisos del alcuerdu, tal como lo

8 <https://www.jep.gov.co/Paginas/casos.aspx>

9 Audiencia en Tuluá, el 10 d'abril del 2024.

10 Entrevista con CARLOS DE LA TORRE, Representante Axuntu de la ONX en Colombia. Bogotá. 16 d'abril del 2024.

11 Audiencia en Tuluá, el 10 d'abril del 2024.



Casa del gobierno mayor de la ONIC. Bogotá.

evidencien les cifres actuales de l'Axencia pa la Reincorporación, qu'indiquen un aumentu de firmantes que tán regresando a les armes (...).¹²

“A la fecha, baxo esta serie d'errores ya incumplimientos graves, d'un total de 4.485 solicitudes d'amnistía trimitaes pola XEP, namás se concedieron 688 y 3.804 denegáronse. Esta manera d'actuar de la Xurisdicción afecta y pon en riesgu l'alcuerdu, y tamién el llogru y éxito de procesos de paz en cursu, porque ye evidente la restrictividá cola que vieno funcionando'l sistema, lo que xenera falta de confianza y un grau alto d'incredulidá, amás d'atentar

escontra'l principiu consagráu del drechu internacional humanitariu qu'obliga a los Estaos, a la final de les hostilidaes, a otorgar l'amnistía más amplia posible”.¹³

“Toos nós sabemos qu'el testu orixinal del alcuerdu alterióse nel puntu 5, primero como consecuencia de la falcatrúa que los altos mandos de la fuerzia pública-y fixeron al presidente Santos hores antes de la firma del alcuerdu nel Teatru Colón, na que fixeron suprimir partes del puntu 5 pa garantizar que nun tuvieron que responder polos crímenes cometíos poles sos tropes en virtú de la llinia de mandu, como tamién pa protexer los bienes

12 <https://www.infobae.com/colombia/2024/02/07/ex-secretariado-de-las-farc-se-queja-con-petro-de-incumplimientos-de-la-jep-nos-preocupa-el-empeno-por-alejarse-de-lo-acordado/>

13 <https://www.infobae.com/colombia/2024/02/07/ex-secretariado-de-las-farc-se-queja-con-petro-de-incumplimientos-de-la-jep-nos-preocupa-el-empeno-por-alejarse-de-lo-acordado/>



adquiríos illegalmente nel conflictu. Posteriormente, al pasu pel Congresu y la Corte Constitucional, el testu camudóse otra vegada, dexando un marxe mui pequeñu pa conocer la verdá por parte de la XEP, de los civiles funcionarios del Estáu y de los denominaos tercberos. De manera insólita, según la Corte Constitucional, la so comparecencia ye voluntaria y non obligatoria, como inicialmente se pautó. Nin qué falar de los paramilitares, a quien xurisprudencialmente esta Xurisdicción prefirió esconder la so verdá, dexándolos na inoperancia de Xusticia y Paz".¹⁴

"Tenemos preocupación pol al cuerdu de paz, porque les reformes que contién son les bases pa construyir una paz duradera, nun son cambeos pautaos pal beneficiu de quien tuviemos nes FARC. Ye menester desconcentrar la propiedá de la tierra pa esmontar los poderes criminales que controlen política y militarmente los territorios. Toca escontarmar l'andamiaxe políticu, militar y xurídico que montaron pa entronizar el modelu económico neoliberal. Tovía tenemos 170 persones preses pola negativa de la XEP a sacales de les alcárcelles. La XEP ta recapturando a persones ex-guerrilleres que comparecieron delantre esi tribunal. Esa manera d'actuar salse de lo pautao y xenera insecuridá

xurídica pa quien firmemos la paz, que fuimos culpaos y atacaos a muerte".¹⁵

"L'aplicación del al cuerdu de paz foi una engarradiella. L'esfuerciu fundamental hai que faelu nel sen de la desconcentración de la tierra... El programa del gobiernu ta centráu en descontarmar l'andamiaxe políticu y xudicial que caltién el neocapitalismu nesti país".¹⁶

UNIDÁ DE BUSCA DE PERSONES DAES POR DESAPAECÍES, UBPDD

Dende'l 2022, ye un avance qu'el gobiernu nuevu aceptare la competencia del Comité de les Naciones Xuníes econtra la Desapaición Forciada pa fortalecer la Comisión de Busca de Persones daes por Desapaecíes. Con too y con eso, familiares de dalgunes víctimes señalen como un pilancu la falta de coordinación ente instancies rellacionaes cola busca.

Como organismu estraxudicial la Unidá de Busca de Persones daes por Desapaecíes nun tien la misión d'atribuyir responsabilidaes penales, nin busca persiguir el delitu. El so oxetivu ye desarrollar aiciones humanitaries p'alcontrar a les persones daes por desapaecíes. Creose pa un periodu de venti años prorrogables otros cinco. Tien 26 delegaciones nel país y 552 funcionarios.

La Unidá de Busca de Persones daes por Desapaecíes contabiliza 111.640 persones desapaecíes, pero la cifra podría ser mayor. Taríen sapozas en fuxes comunes, cementerios ilegales y sepultures unes 8.493. Hai 32.988 solicitudes de busca.¹⁷

Atoparon a 20 persones con vida y recuperaron 1.430 cuerpos. Ye un llabor costosu pol preciu de los exámenes d'identificación xenética.

15 Congresu de la República. Entrevista col partíu Comunes. Bogotá, 16 d'abril del 2024.

16 Congresu de la República. Entrevista col partíu Comunes. Bogotá, 16 d'abril del 2024.

17 Reunión cola UBPDD. Bogotá, 18 d'abril del 2024. <https://Unidábusqueda.gov.co/>

La Unidá de Busca de Persones daes por Desapaecies informó qu'hai identificaos 8.500 sitios d'interés forense. Calcúlense en 7.000 les persones desapaecies pola fuerzia pública. El 70% de les buscadores son mujeres, pero nun llega al 10% les mujeres buscaes.

El conflictu tovía ta activu, con tolo que supón pa la investigación y la recuperación.

Plantéguense varios desafíos: 111.660 personas nuna busca complexa poles dinámiques polítiques, la duración de los mandatos y les competencies territoriales, la composición del suelu —que daña a tal puntu los cuerpos que nun ye posible alcontrar escatafín dalu—, y pola capacidá técnica reducida de la unidá.

La Unidá de Busca de Persones daes por Desapaecies tien una alianza col Ministeriu de Defensa, lo que permitió l'accusu a información desclasificada según la llei: órdenes, informes, archivos, etc.

Pa les organizaciones de víctimes del conflictu la priorización actual de macrocasos de la XEP nun tevo en cuenta'l repertoriu de crímenes cometíos poles fuercies de seguridá del Estáu, responsables, según los fícticos, de miles de casos de desapaición forciada.

“Hai munches personas desapaecies y nun dan resultaos de la busca. Yeren habitantes de La Uribe, Piñalito, Vistahermosa, Santo Domingo, San José, Puerto Esperanza, El Castillo y Medellín del Ariari”.¹⁸

Pa la fundación Hasta Alcontralos: “La busca de personnes precisa del accesu pa quien les busquen de la información contenío nos archivos militares. Hai 111.000 personnes desapaecies. Delles qu'alcontremos nun se sabe quién son”.¹⁹

COMISIÓN DE LA VERDÁ

La Comisión pal Esclaramientu de la Verdá entregó'l so informe final “Hai futuru si hai verdá” en xunu del 2022.

18 Audiencia n'Ibagué (Tolima). 12 d'abril del 2024.

19 Entrevista con Pablo Cala. Fundación Hasta Alcontralos. Bogotá, 16 d'abril del 2024.

L'informe compónerlu diez volúmenes sobre afayos, conclusiones y recomendaciones pa la non repetición: “Hasta la guerra tien llendes”, “Colombia adientro”, “Sufrir la guerra”, “Cuando los páxaros nun cantaben”, “El mio cuerpu ye la mio verdá”, “Nun ye un mal menor”, “Colombia fuera de Colombia” sobre l'exiliu de más d'un millón de personas pola guerra. El Programa Asturianu d'Atención a Víctimes de la Violencia en Colombia aporcó a la Comisión de la Verdá los archivos de venti años d'exiliu.

Creóse un Comité de Siguimientu, que va velar per siete años pola aplicación de les sos recomendaciones nes trés rames del poder públicu.

Nel gobiernu Petro-Márquez incluyérónse normes y recursos p'avanzar na puesta en marcha de les recomendaciones. Nel Plan de Desarrollu pal cuatrieniu recoyérónse 47 recomendaciones y alredor de 6 lleis orientaes a cumplir les recomendaciones.

La difusión y aplicación de les sos 67 recomendaciones ye clave pa la non repetición.

REFORMA RURAL INTEGRAL

Colombia padez los efectos de la inequitativa concentración de la propiedá de les tierres fértiles y l'aumentu de la probeza rural producida pol neoliberalismu y pol acosu de los grupos armaos pa esllarigar. Esta conflictividá histórica vese agravada poles empreses petroleres, mineres, l'agroindustria y la llegada de compradores estranxeros de tierres, como ye'l casu de la secta relixosa menonita nos Llanos Orientales, onde tán ocupando territorios ancestrales del puelu sikuani.

“El gobiernu actual reconoz al campesináu como suxetu de drechos asemeyaos a los de los pueblos indíxenes y les comunidaes negres. Creo la xurisdicción agraria y destinó nel presupuestu del 2024 la suma de 5 billones de pesos, que ye'l mayor presupuestu de la hestoria, a la compra de tierres, cinco vegaes más que l'año pasáu. Pesa la estroza de la capacidá institucional pa trabayar con llabradores hai 25 años, nos que desapaecieron los



Audiencia con la ACIN en Santander de Quilichao.

y les llabradores de los programmes del Estáu. Dende'l 2007 nel gobiernu d'Uribe nun se permitía la compra de tierres a llabradores. L'alcuerdu de paz creo un fondu pa l'adquisición de tierres. Perdióse la gran capacidá que tenía l'INCORA (Institutu Colombianu de la Reforma Agraria) pa comprar tierres; reemplazólu l'INCODER (Institutu Colombianu de Desarrollu Rural) y l'ANT (Axencia Nacional de Tierres), enguedeyaos na lentitú de los procedimientos".²⁰

"Nesti gobiernu reconócense les territorialidaes llabriegues, que ye asemeyao a les de los pueblos indíxenes. Ye necesario qu'el campesináu se reorganice, porque ta mui dividíu por intereses esternos. Apoyar la economía llabriega implica revisar cláusules de los trataos de lli-

bre comerciu con Estaos Xuníos y la Xunión Europea, porque tán afectando a la producción de suministros y d'alimentos. Fai falta revisar dellos subsidios que se-yos dan a los terratenientes productores de palma aceitero y d'azucre, lo que llevó a que Colombia sia l'úniku país del mundiu onde l'etanol ye más caro que la gasolina, pol preciu de la tierra en manes del capital financieru, dueñu de los inxenios azucreros, que concentren les meyores tierres del Valle del Cauca".²¹

Por estinción del dominiu, la SAE (Sociedá d'Activos Especiales) incluyó faciendes de les mafies del narcotráficu na reforma agraria, pero llabradores tienen mieu de recibíes poles represalias de la mafia y la falta de protección del Estáu.

20 Entrevista col Ministeriu d'Agricultura. Bogotá, 17 d'abril del 2024.

21 Entrevista col Ministeriu d'Agricultura. Bogotá, 17 d'abril del 2024.

Diálogos col ELN

“Entós repítense que les partes vuelven a la mesa y siguen falando cola intención de qu'esti grupu armáu que lleva décades llevantáu n'armes opte pela vía democrática y se convierta nun partíu políticu. Cinco presidentes anteriores intentáronlo, pero enxamás l'ELN tuviera al otru llau de la mesa a un ex-guerrillero, como Petro, que guarda una sensibilidá especial colos motivos que lleven a daquíen a empuñar un fusil”.²²

Los diálogos cola guerrilla del ELN escomenzaron en payares del 2022 en Caraques, gracias al restablecimientu de les rellaciones diplomátiques ente Colombia y Venezuela. Les conversaciones tán sometíes a sobresaltos por desavenencies rellacionaes col incumplimentu del cese'l fueu, la práctica del secuestru y la complicidá de la fuerzia pública con grupos paramilitares.

La guerrilla del ELN denunció l'alianza del Exércitu Nacional con paramilitares de les Autodefenses Gaitanistes de Colombia o Clan del Golfo nel suroccidente del país, en conceyos de los departamentos del Chocó, Valle, Cauca y Antioquia, lo que llevó a qu'el Frente de Guerra Occidental esixa del gobiernu Petro'l deseparase de la estratexa paramilitar.

L'incumplimentu reiteráu del alcuerdu firmáu coles FARC xenera desconfianza nel ELN: “... colos gobiernos anteriores nun yera rara esa complicidá, seique los paramilitares fueron una fuerzia funcional pal Estáu, pero del gobiernu actual sí s'espera'l deseparase del paramilitarismu, de lo contrario, de nun se ver fechos reales, ¿de qué paz dafechu mos fala? ¿O namás busquen el desarme del ELN pa que dempués mos acribillen, como vien asocediendo con ex-combatientes de les ex-FARC?”.²³

En mayu del 2024, l'ELN y el gobiernu alcordan prorrogar el cese billateral del fueu seis meses, hasta agosetu del 2024. L'ELN anunció que se proponía retomar los secuestros con fines d'estorsión, provocando otra crisis na mesa de diálogo. L'altu comisionáu de paz afirmó que'l gobiernu nun va firmar alcuerdos col ELN si decide seguir secuestrando.²⁴

Nesa mesma fecha, el gobiernu y l'ELN emitieron “l'alcuerdu n° 28 sobre'l desarrollu del procesu de participación de la sociedá na construcción de la paz”,²⁵ avanzando nel puntu ún de l'axenda de Méxicu.

Hai una dificultá na mesa de diálogos rellacionada col surdimientu d'una disidencia nel interior del ELN, yá que'l Frente Comuneros del Sur decidió seguir colos diálogos rexionales en Nariño, saliéndose de la disciplina del Comandu Central de la guerrilla, lo que xeneró otra crisis.²⁶

“L'asamblea del Frente Comuneros del Sur, de manera unánime, decide DECLARAR la ruptura col Comandu Central (COCE) y Dirección Nacional (DN)... L'asamblea reitera caltenemos na construcción de paz territorial nel departamentu de Nariño, con aiciones concretes de paz, ente elles el desmináu humanitariu, retornos y tresformación territorial... L'asamblea manda caltenemos nel PROCESU DE NEGOCIACIÓN POLÍTICA ente'l Frente Comuneros del Sur y el gobiernu nacional, baxo la política de paz dafechu del actual presidente Gustavo Petro”.²⁷

22 <https://elpais.com/america-colombia/2024-02-27/el-eln-y-el-gobierno-de-petro-se-reconcilian-tras-otro-amago-de-la-guerrilla-de-torpedear-el-proceso.html>

23 <http://centromemoria.gov.co/linea-de-tiempo-mesa-de-dialogos-gobierno-eln/>

24 <https://efe.com/mundo/2024-05-21/gobierno-de-colombia-dice-que-no-firmara-con-el-eln-si-no-cumple/>

25 <https://x.com/DelegacionEln/status/1794486560743899158/photo/1v>

26 <https://elpais.com/america-colombia/2024-02-27/el-eln-y-el-gobierno-de-petro-se-reconcilian-tras-otro-amago-de-la-guerrilla-de-torpedear-el-proceso.html>

27 Declaración política del Frente Comuneros del Sur, ELN. 5 de mayu del 2024.

ESTÁU DE LOS DRECHOS HUMANOS NEL 2023

*“A pesar de les conversaciones de paz y los ceses del fueu, la población civil siguía viéndose afectao pol conflictu armáu y los ataques a los drechos humanos, incluyíu l'esllarigamientu forciáu d'una gran cantidá de persones. El gobiernu nun aplicó una reforma policial integral, pero plantegó cambios normativos sobre l'usu de la fuerzia nes protestes. El conflictu armáu siguía afectando de manera desproporcionalada a los puebos indíxenes y a les comunidaes afrodescendientes y llabriegues. El feminicidiu y la violencia escontra las personas LGBTI siguíen provocando gran preocupación. La Corte Constitucional confirmó la despenalización del albuertu hasta la selmana 24 d'embaranzu, pero siguía habiendo barreres d'accusu. Manteníense les agresiones escontra les y los defensores de los drechos humanos, y el gobiernu anunció midies de protección. Producieronse avances nes investigaciones de crímenes de guerra y crímenes escontra la humanidá. La población venezolana siguía alcontrando barreres al tratar d'acceder a protección internacional o otros mecanismos de regularización”.*²⁸

El conflictu armáu internu sigue, con graves impautos sobre los drechos de la población civil, a pesar de los ceses del fueu billaterales pautaos colos principales grupos armaos.

Pal puelu nasa: “Esos ceses del fueu nun sirvieron pa reducir los ataques a l'autoridá indíxena, sinón pa cesar los ataques ente la fuerzia pública y los frentes.”²⁹

Nel 2023 asesinaron –en ventiocho países– a cerca de 300 personas que defendíen los drechos humanos. D'elles, 142 fueron en Colombia según l'informe de la ONG Front Line Defenders.

28 <https://www.amnesty.org/es/location/americas/south-america/colombia/>

29 Visita puelu nasa cola ACIN. Santander de Quilichao, Caloto y Corinto. 8 d'abril del 2024.



Colombia ye'l país llatinoamericanu más violentu p'activistes y dirixentes sociales. Más de la metada de los más de trescientos asesinatos d'activistes de drechos humanos rexistraos nel 2023 fueron en Colombia.³⁰

Les más persiguíes fueron les personas que defenden los drechos de llabradores, de pueblos indíxenes, ambientalistas, les que defenden diversidaes sexuales y los drechos de les mujeres. La persecución apunta a eliminar opositores de los proyectos enerxéticos “principalmente apoyaos por inversiones del norte global”, que siguen afondando nos

30 <https://www.infobae.com/colombia/2024/05/23/la-ong-front-line-defenders-revela-que-colombia-es-el-pais-latinoamericano-mas-violento-para-activistas-y-lideres-sociales/>

modelos extractivistes y “reproducen dinámiques violentes y de conflictu en comunidaes de la zona”.³¹

La situación de crisis de los drechos humanos agudizóse nel 2023 pola multiplicación de bandes de delincuencia urbana, el crecimientu del ELN y de les disidencies de les FARC y pola espansión del paramilitarismu, sobre manera del Clan del Golfu nos territorios d’interés pa les mafies del narcotráficu y pa les empreses mineres.

Estos grupos taríen coordinándose coles disidencies de les FARC en rexones del Cauca, Valle, Nariño, Putumayo, Catatumbo, Caquetá, Antioquia, Huila y otros territorios, col propósitu de mantener el control social y territorial d’árees peles que circulen drogues, armes, migrantes, empresas mineres y agroindustriales.

Pa la Dirección de Drechos Humanos del Ministeriu del Interior³² el conflictu armáu crez. Hai una derrota estratéxica de la insurreición pa la toma del poder y nun hai otru camín qu’l diálogu. El Clan del Golfu ta n’espansión y los diálogos con esti grupu viéronse interrumpíos; y otro tanto coles disidencies de les FARC. Tamién ta medrando'l crime organizáu. Les disidencies son les principales responsables del asesinatu de dirixentes sociales, que siguen cayendo, con una disminución mínima d'un añu a otru.

“Esti ye'l primer añu con presupuestu propiu pa executar, safándose de les trampes alministratives. Esti añu va ser decisivu. Tenemos meyores ferramentes y presupuestu. Hai que fortalecer la protección colectiva y treslladar nueve Espacios Territoriales de venticuatro. Nesos llugares nun queda más qu’l 18% de les personas qu’había”.³³

“Ye un gobiernu ensin esperiencia en gobernar, metiu nun llaberintu. La Dirección de Drechos Humanos del

Ministeriu del Interior nun executó recursos esti semestre por falta de contratar un operador loxístico”.³⁴

Les disidencies de les FARC y el llamáu Estáu Mayor Central (EMC) recuperaron terrén y control armáu. Les denuncies recibíes responsabilícenlos como ún de los principales causantes d’amenaces y asesinatos de personas de la dirixencia social y de firmantes de la paz. Denuncies asemeyaes recaen sobre'l grupu paramilitar Clan del Golfu y la guerrilla del ELN.

Nel Plan Nacional de Desarrollu del gobiernu “Colombia, potencia mundial de la vida”, aprobáu pol Congresu de la República, asígnense 50 billones de pesos, superando nun 74% lo asignao pol gobiernu d’IVÁN DUQUE³⁵, destinaos a cumplir l’alcuerdu de paz, adelantar la reforma rural integral, la reincorporación d’ex-combatientes, la sustitución de cultivos illícitos, la xusticia transicional, la seguridá humana, el drechu a l’alimentación y el mediu ambiente. Podría avanzase n’equidá y en xusticia social al facilitar l’accesu y la permanencia na tierra a les comunidaes llabriegues, indíxenes y negres, ameyorar la seguridá de les personas al esmontar el paramilitarismu y ampliase los espacios de participación política.

Tamién la corrupción xeneralizada, que ta combatiendo'l gobiernu en tolos niveles de l’alministración pública, y l’usu abusivu de la facultá de control disciplinariu de la Procuraduría Xeneral, xeneren incumplimientos de los drechos humanos.

“Al gobiernu progresista ta persiguiéndolu y calumiándolu la drecha. Nunca pensemos en pensionamos porque teníemos mieu a que mos desapaecieren o asesinaren por lluchar escontra la impunidá. Controlamos una parte del Estáu, nun tenemos el poder. Hasta hai poco teníemus un fiscal xeneral nefastu, encubriendo la responsabilidá de les mafies. La capacidá de xenerar mieu d’ÁLVARO URIBE VÉLEZ constátase cuando dalgunes personas que podíen acoyese al principiu d’oportunidá y declarar escontra elli, quieren más dexase condergar antes que denuncia-

31 <https://www.infobae.com/america/agencias/2024/05/22/ong-contabiliza-300-defensores-de-ddhh-asesinados-en-2023-casi-la-mitad-en-colombia/>

32 Entrevista con Franklin Castañeda, director de Drechos Humanos del Ministeriu del Interior. Bogotá, 15 d’abril del 2024.

33 Entrevista con Franklin Castañeda, director de Drechos Humanos del Ministeriu del Interior. Bogotá, 15 d’abril del 2024.

34 Entrevista cola Oficina de la Organización de Naciones Xuníes en Colombia. 16 d’abril del 2024.

35 <https://portalparalapaz.gov.co/504-billones/12/>

lu. Asina lo fixo MARÍA DEL PILAR HURTADO, que prefirió catorce años de conderga antes que decir la verdá sobre l'ex-presidente. Tuvi la responsabilidá de dirixir les caxes de compensación familiar, que son padremuñu de los trabayadores, convertíes en botín de los corruptos nos departamentos. Suspendiome del cargu la Procuradora Xeneral por apoyar la tregua ente dos bandes na ciudá de Buenaventura, en realidá foi por romper los circuitos de corrupción que roben recursos destinaos a les families de los trabayadores. La Procuraduría nun tien control y ta faciendo la guerra xurídica escontra'l gobiernu de Petro pa bloquiar los cambeos. Esmontar esi monstruu requier una reforma constitucional".³⁶

Nel 2021 había 155 conceyos con riesgu altu de sufrir ataques. Nel 2022 xubieron a 180. L'añu pasáu yá yeren 206 conceyos. Les violencies aumentaron en rexones del Cauca, Valle, Putumayo, Nariño. "Nun se cambia en cuatro años una realidá tan complexa como la colombiana, con más de setenta años de conflictu".³⁷

Pal Representante Axuntu de la Organización de Naciones Xuníes en Colombia, la paz dafechu ye una política válida, necesaria. Nun ye abondo con un grupu armáu namás. Hai meses de diálogu que sufren sobresaltos. Los ceses del fueu mengüen la intensidá del conflictu, pero nun tán xenerando allivios humanitarios a les comunidaes. Hai un efectu perversu pol aumentu del control social de guerrilles y paramilitares, un crecimientu del allistamiento forciáu pa fortalecer files y una presión fuerte p'adueñase de la base social y suplantar a les sos organizaciones. Los grupos armaos actúen como si tuvieran una finalidá política, cuando la so fin única ye la económica. El resultáu de les últimes elecciones territoriales nun foi favorable al gobiernu Petro y eso aumenta la ingobernabilidad y la resistencia de dellos sectores de la sociedá a les reformes. Hai unes mutaciones y cifres de les violencies que tán subrexistraes pol mieu a denunciar fechos

³⁶ Entrevista con LUIS GUILLERMO PÉREZ, ex-superintendente de Subsidiu Familiar. Bogotá, 15 d'abril del 2024.

³⁷ Reunión cola embaxada d'España. Bogotá, 17 d'abril del 2024.

como les amenaces, el confinamientu, l'esllarigamientu y l'allistamiento forciaos.³⁸

La delegación asturiana recibió denuncias del aumentu del allistamiento forciáu de neños/es y de les amenaces, asesinatos y esllarigamientos.

Hai desesperanza y agotamientu énte tanta violencia en dalgunas comunidaes indíxenes y ente personas que firmaron la paz.

Hai bandes delinquiendo en territorios baxo'l control de la fuerzia pública, como asocede en Tuluá y Pradera (Valle).

"Hai un panorama esperanzador dada la voluntá del gobiernu de protexer a la dirixencia social y a les comunidaes. Hai avances normativos y en materia de protección que son importantes, pero nun dan resultaos visibles inmediatos".³⁹

La delegación asturiana recibió informaciones d'un operativu paramilitar masivu escontra la población civil na xerra de San Lucas énte la pasividá de la Fuerzia de Xera Marte del Exércitu Nacional pa facilitar l'avance y la ocupación del territoriu. Amás, hai enfrentamientos per tola zona ente'l grupu paramilitar AGC y guerrilleros del ELN aliaos con reductos de les FARC, con efectos graves sobre los drechos de la población civil.⁴⁰

El grupu paramilitar AGC y les Autodefenses Conquistadores de la Sierra Nevada de Santa Marta tán nuna etapa d'espansión sobre la Sierra Nevada de Santa Marta amenazando a la dirixencia de les organizaciones sociales del Magdalena, Cesar y La Guajira, de manera especial a les personas que son directives de les xentes d'aición comunal, a la dirixencia indíxena y comunal. El gobiernu ordenó un despliegue militar pa evitalo.⁴¹

³⁸ Entrevista cola Oficina de la Organización de Naciones Xuníes en Colombia. 16 d'abril del 2024.

³⁹ Reunión cola embaxada d'Espanha. Bogotá, 17 d'abril del 2024.

⁴⁰ <https://pasc.ca/es/action/operativo-paramilitar-masivo-en-el-sur-de-bolivar>

⁴¹ <https://periferiaprensa.com/apuesta-militar-del-gobierno-contra-los-conquistadores-de-la-sierra-nevada/>



Recibimos informaciones de la presencia creciente del grupu paramilitar AGC presionando a les comunidaes del valle del ríu Cimitarra, xerra de San Lucas (Sur de Bolívar) y subrexones del baxu Cauca y del Magdalena Mediu pa someteles y controlar el territoriu d'interés pal narcotráficu y pa la minera Compañía Multinacional Gran Colombia Gold güei baxo'l nome d'Aris Gold.

Na rexón del Magdalena Mediu, los grupos paramilitares aumentaron l'allistamientu forciáu y los secuestros y asesinatos de personas moches, pa obligales a "rindir cuentes" y a delatar a personnes d'esquiera y a activistes baxo l'amenza de tortura y d'asesinatu.⁴²

Medró'l temor nes families y na dirixencia social, sobre manera porque les comunidaes constaten la complicidá ente paramilitares y fuerzia pública en varies rexones.

42 <https://rebelion.org/reconfiguracion-del-conflicto-avanzada-paramilitar-y-control-territorial-en-el-nordeste-antioqueno/>

Hai un aumentu de la violencia de xéneru, de los embarranzos d'adolescentes, de la violación como castigu, de los feminicidios y del usu de mujeres venezolanes por diferentes grupos armaos en redes d'información, d'estorsión y d'esplotación sexual.

El gobiernu colombianu formuló un Plan d'Aición Nacional pa incorporar l'Axenda de Muyeres, Paz y Seguridá, cola participación de les mujeres pa la garantía plena de los sos drechos, con enfoque de drechos de xéneru, intersectorial, étnicu y antirracista, como respuesta al llamáu del Conseyu de Seguridá, que nel añu 2000 abordó'l tratu desigual y desproporcionáu a les mujeres y neñes nos conflictos armaos.⁴³

Los ataques a la población LGBTIQ+ siguieron. Según el rexistru de la Unidá pa les Víctimes, de los 9,7 mi-

43 <https://nuevayork-onu.mision.gov.co/newsroom/news/la-paz-colombia-se-construye-con-las-mujeres-y-las-mujeres-sus-diversidades-canciller>



Chiva en Iconutzo/Cundinamarca.

llones de víctimes del conflictu armáu rexistraes en Colombia, 6.200 correspuenden a la población LGBTIQ+.

Nel 2023, asesinaron a ocho defensores de drechos d'esta comunidá. Ún de los casos foi'l d'ALDINEBIN RAMOS, cofundador de l'asociación LGBTIQ+ Chaparral Diversa, asesináu en so casu'l 6 de febreru del 2024.⁴⁴

Pa Colombia Diversa, ALDINEBIN ye la tercer persona del grupu que representa a esa organización asesinada dempués de la presentación del so casu énte la Xurisdicción Especial pa la Paz. "Presentó'l so casu a la Xurisdicción nel 2019 y dende aquella tevo a la espera de participar, que se lu reconociera y reparare pola persecución que sufrió por causa de la so orientación sexual. Morrió esperando

l'acreditación nel macrocasu 11... Ye necesario recordar una vegada más que les vides LGBTIQ+ importen nuna sociedá que pretende ser realmente democrática. Poro, ye fundamental que les autoridaes realicen una investigación de los fechos y garantizar condiciones de seguridá pa les personas LGBTIQ+, qu'asumen funciones de dirixencia na rexón. L'Estáu colombianu ta en delda d'incorporar enfoques diferenciales por identidá de xéneru y orientación sexual nes midíes orientaes a prevenir, protexer y garantizar el llabor de defensores de drechos humanos".⁴⁵

La Xurisdicción Especial pa la Paz nel llamáu macrocasu 11 "pon un focu especial nos elementos discriminan-

44 <https://extra.com.co/identifican-lider-asesinado-en-el-tolima/>

45 <https://colombiadiversa.org/blogs/en-memoria-de-aldinebin-ramos/>

torios d'estes violencies y nes dinámiques de guerra que reflexen y multipliquen les discriminaciones estructurales qu'hestóricamente afectaron a mujeres, neñes y personas con orientaciones sexuales, identidaes y espresiones de xénero diverses".⁴⁶

La XEP tien un rexistru de 35.178 víctimes de tolos actores del conflictu por fechos de violencia sexual, reproductiva y otres violencies de xénero y por prexuiciu, en fechos asocedíos ente'l 1957 y el 2016. D'elles, el 89,2% son mujeres y el 35 % sufrieron les violencies cuando yeran neñes, neños y adolescentes.⁴⁷

Pa la xente que firmó la paz: "A la violencia que mos mata súmase la hipertrofia de normes, el desdexu burocrátiu, la degaxez alministrativa, l'enguedeyu procedural".⁴⁸

La emigración pel tapón del Darién ta en manes de paramilitares qu'estorsionen y violenten a les personas migrantes, qu'en número de más de trescientos mil crucianron dende Colombia pa Centru y Norte América.⁴⁹

En marzu del 2013, la delegación asturiana fixose ecu, nel so tercer informe, de les denuncies de CUT Colombia, que señalaben a la multinacional Chiquita Brands y a la so filial Banadex, de traficar con armes nos barcos bananeros y financiar el paramilitarismu responsable del asesinatu de centenares d'obreros, obreres y dirixentes del sindicatu SINTRAINAGRO – CUT, ataques mortales y sistemáticos a la Comunidá de Paz de San José de Apartadó y a les comunidaes negres d'Urabá y del Magdalena.

Trece años dempués, en xunu del 2024, un tribunal de los Estaos Xuníos reconoz qu'ai víctimes. Les organizaciones de drechos humanos avisen de que van llevar a la multinacional a la Corte Penal Internacional pola so responsabilidá en decenes de miles de crímenes escontra

la humanidá, homicidios de personas protexíes, masacres, esllarigamientos forciaos, desapaiciones, estorsiones, execuciones y tortures".⁵⁰

Mentanto, el xuiciu en Colombia escontra diez directivos de Chiquita Brands, C.I. Banadex, Banadex S.A. y Banacol S.A. sigue paralizáu, lo que da cuenta de la impunidá de que gocien les multinacionales finanziadores del terrorismu paramilitar en Colombia, beneficiaries d'una "xusticia" encabezada por una Fiscalía selectiva y corrupta.

El Colectivu d'Abogados José Alvear Restrepo (CAJAR) alvierte del riesgu de la prescripción de l'aición penal en beneficiu de diez directivos de les empreses finanziadores del terrorismu: CHARLES DENNIS, xerente de C.I. Banadex dende 1990 a 2000; REINALDO ELÍAS ESCOBAR DE LA HOZ, abogáu de C.I. Banadex ya integrante de la so xunta directiva dende 1995 a 1998; VÍCTOR JULIO BUITRAGO SANDOVAL, xefe de seguridá de Banadex S.A.; JOHN PAUL OLIVO, supervisor de Banadex dende 1996 a 2001 y el so sucesor, FUAD ALBERTO GIACOMAN HASBÚN; JOSÉ LUIS VALVERDE RAMÍREZ, xerente xeneral de C.I. Banadex ente 2000 y 2002; ÁLVARO ACEVEDO GONZÁLEZ, xerente xeneral de Banadex S.A.; VÍCTOR MANUEL HENRÍQUEZ VELÁSQUEZ, presidente executivu de C.I. Banacol S.A.; JORGE ALBERTO CADAVÍD, vicepresidente financieru de C.I. Banacol S.A.; y JAVIER OCHOA VELÁSQUEZ, xerente de producción de C.I. Banacol S.A.⁵¹

El gobiernu sustituyó la tradición política de seguridá, basada nel usu de la fuerzia, pol conceptu de "seguridá humana". Los resultaos vense nuna llixera disminución del número total d'homicidios. Sicasí, nun mengüen los asesinatos de la dirixencia social.

46 <https://www.ungeneva.org/es/news-media/news/2024/05/93794/colombia-necesita-acabar-con-la-impunidad-cuando-se-violan-los-drechos-humanos>

47 <https://www.jep.gov.co/Sala-de-Prensa/Paginas/-la-jep-abre-macrocaso-11-que-investiga-la-violencia-basada-en-genero-incluyendo-violencia-sexual-y-reproductiva-y-crímenes.aspx>

48 Visita al ETCR La Fila (Icononzo, Tolima). 13 d'abril del 2024.

49 Entrevista con CARLOS DE LA TORRE, Representante Axuntu de la ONX en Colombia. Bogotá, 16 d'abril del 2024.

50 <https://Verdadabierta.com/especiales-v/2017/chiquita/chiquita-corte-penal.html>

51 <https://www.colectivodeabogados.org/caso-chiquita-brands-podria-prescribir-la-alerta-del-apoderado-de-la-comunidad-de-paz-de-apartado/>

Según INDEPAZ (Institutu d'Estudios pal Desarrollu y la Paz) nel 2023 asesinaron a 188 personas con autoridá social y 44 firmantes de la paz.⁵²

Amás, nel 2023 cometíeronse 93 masacres, con más de trescientes víctimes. Y, no que llevamos del añu actual, la estadística muestra que s'executó una masacre per selmana.⁵³

La Central Unitaria de Trabayadores de Colombia (CUT) apoya les reformes del gobiernu Petro, porque van ameyorar la situación de los drechos humanos. “De manera especial apoyamos la reforma llaboral, que busca devolve-y drechos llaborales y sindicales a los trabayadores. La nuesa dirixencia sigue amenazao y atacaon en varies rexones, nes qu'el poder tiénenlu los paramilitares y grupos diversos de les mafies. A la nuesa CUT reconociósela como víctima del conflictu y ye suxetu pa la reparación colectiva del movimiento sindical. Gracies Asturias por ayudar a protexer a la nuesa dirixencia”⁵⁴.


El cabezaleru social ARISTIDES OIME OCHOA – acoyiu pol Programa Asturianu nel 2004–, denuncia que: “Nel departamentu de Caquetá la dirixencia de 450 xentes d'aición comunal ta en riesgu, porque vien siendo presionao, amenazao y enzancao nel so llabor organizativu por integrantes del Estáu Mayor Central, que busca controlamos. Nel departamentu de Caquetá hai una guerra escontra les organizaciones y los procesos sociales. L'EMC-FARC mandó cartes con amenaces a COORDOSAC, les cooperatives y ASOJUNTAS, col propósitu de controlamos mediante'l mieu. Tamos al límite con tantes amenaces de muerte nes que se quier obligar al campesináu a afiliase a una organización controlada pol grupu armáu”⁵⁵.

52 <https://indepaz.org.co/lideres-sociales-defensores-de-dd-hh-y-firmantes-de-acuerdo-asesinados-en-2023/>

53 <https://indepaz.org.co/informe-de-masacres-en-colombia-durante-el-2020-2021/>

54 Entrevista con integrantes del Comité Executivu Nacional de CUT Colombia. Bogotá, 15 d'abril del 2024.

55 Declaraciones en teleconferencia nel Senáu de la República. Bogotá, 16 d'abril del 2024.



En febreru del 2023 asesinaron na ciudá de Florencia a la cabezalera y activista pola paz LUDIVIA GALÍNDEZ JIMÉNEZ, presidenta d'ASOJUNTAS de La Montaña (Caquetá). Na ciudá delinquen el Frente Primeru del Bloque Sur Oriental EMC, la Segunda Marquetalia y bandes de la zona.⁵⁶

L'asesinatu en Jamundí (Valle del Cauca), el 27 d'abril del 2024, del conceyal del movimientu MAIS, JHON FREDY GIL FRANCO, que les autoridaes atribuyen al Frente Jaime Martínez del Estáu Mayor Central (EMC)

56 Declaraciones en teleconferencia nel Senáu de la República. Bogotá, 16 d'abril del 2024.

de les disidencies de les FARC, qu'opera baxo'l mandu del llamáu Iván Mordisco, aumenta la esmolición nel valle del Cauca poles amenaces, estorsiones, ataques con ráfagues de fusil, atentaos con esplosivos y asesinatos de personnes de la dirixencia social.

El presidente Petro refugó l'actuación de les disidencies y acusa al EMC de ser los responsables: "L'EMC del Cauca y el Valle vuelven a faer lo que saben faer: matar xente humilde del puelu. El so camín: la cobicia, pa lo que nun-yos importa la destrucción de les comunidaes. L'EMC ye una fuerzia hostil al puelu. L'exércitu tien de completar la ofensiva nel cañón del Micay".⁵⁷

Al dirixente llabriego de la finca La Europa, ANDRÉS NARVÁEZ REYES, que tevo acoyíu pol Programa Asturianu, amenazáronlu de manera reiterada y nun tien un sistema de protección acordies coles circunstancies. Al capataz de la empresa Arepas Don Juan, responsable material del atentáu'l 12 de xunu del 2014 escontra ANDRÉZ NARVÁEZ, nun lu detuvieron y taría en llibertá y actuando na zona d'Ovejas (Sucre), xunto con un grupu paramilitar que, inespllicablemente, muévese a los deleres nuna rexón de los Montes de María baxo'l control de miles d'efectivos del exércitu, la policía y la infantería de marina.


La crisis de los drechos humanos n'Arauca agravóse nos últimos años colos ataques a la población civil.

La XIX delegación asturiana recoyó –fai un añu– les denuncies de les organizaciones sociales d'Arauca polos ataques de les disidencies de les FARC a la población y la infraestructura civil y les consecuencias del enfrentamientu ente esi grupu armáu y el Frente Domingo Laín del ELN.

La Defensoría del Puelu alvirtiólo a traviés de l'Alerta Temprana (AT) 023 de 2021, emitida pa los conceyos de Puerto Rondón y Cravo Norte, y de l'AT 011 de 2023, emitida pa los conceyos d'Arauca, Arauquita, Tame, Saravena y Fortul.

"Ye increíble que dende xineru del 2022 hasta la fecha s'informara de más de 600 homicidios de personnes

⁵⁷ <https://elpais.com/america-colombia/2024-06-12/dos-nuevos-atentados-terroristas-el-conflicto-armado-se-agrava-en-jamundi.html>



protexíes n'Arauca. Namás no que va del 2024, los nuevos equipos nel terrén rexistraron l'asesinatu de 60 personnes. La mayoría de los homicidios ta rellacionada con estratexes de control social o poblacional de supuestos collaboradores d'un o otru grupu armáu illegal, la eliminación sistemática de personnes calumniaes socialmente y la mal denominada "llimpieza social".⁵⁸

"Nel 2023 la Defensoría del Puelu tevo conocimientu de más de 110 casos de desapaiciones forciaes n'Arauca, y nel 2024 de polo menos 55. Actualmente conoz que 61 personnes entá permanecen desapaecíes".

"Munches de les desapaiciones nun se ponen en conocimientu de les autoridaes polos familiares de les víctimes, porque argumenten que temen represalias de los illegales, yá que llancen amenaces con panfletos o mensaxes directos y secuestren de manera constante", aseguró'l Defensor del Puelu".

⁵⁸ <https://www.defensoria.gov.co/web/guest/-/en-poco-m%C3%A1s-dos-a%C3%B1os-van-m%C3%A1s-de-600-homicidios-en-persona-protegida-en-arauca?redirect=%2F>



Andrés Narváez y sus gaiteros. Homenaje a la XX Delegación Asturiana.

“La Defensoría del Pueblo también constató l’asesinatu d’ocho dirixentes sociales no que va del 2024, y dende'l 2016 la cifra ye de 53 dirixentes y defensores de derechos humanos que mataron. Tamién persisten los atentaos escontra reincorporaos de les estintes FARC y ex-combatientes que se sometieron a procesos de desmovilización”.

CORPOINDH (Corporación Integrada pa la Defensa de los Derechos Humanos, Sociales, Políticos, Culturales, Empresariales y Ambientales) denunció énte la delegación asturiana'l despliegue del grupu paramilitar Autodefensas Gaitanistes de Colombia (AGC) “Bloque Aristides Meza” nel Sur de Bolívar y en ciudaes como Barrancabermeja y l’área metropolitana de Bucaramanga, que se suponen tán baxo'l control de la fuerzia pública.

Esti grupu armáu llanzó amenaces de muerte reiteraes escontra defensores de los derechos humanos integrantes de CORPOINDH: DAVID MAYORGA OSORIO, GLORIA MATILDE RINCÓN MEZA, NEDEER CORREA SÁNCHEZ, ISNARDO CORZO GÓMEZ y WILLIAM MENDOZA GÓMEZ. CORPOINDH presentó les denuncias

escontra'l grupu paramilitar AGC énte la Fiscalía per aciu documentos colos rexistros 2024051701974 – 2024052101207, ensin que se conozan resultaos de les investigaciones.

El Programa Asturianu d’Atención a Víctimes de la Violencia en Colombia acueye nel 2024 a un grupu de personas defensores de los derechos humanos persiguíes a muerte por defender valores llexítimos, como la paz, la vida y los derechos humanos.

AIDEE MORENO IBAGUÉ ye cabezalera llabriega del Sindicatu de Trabayadores Agrícoles Independientes del Meta, SINTRAGRIM-FENSUAGRO-CUT. Sobreviviente del xenocidiu escontra la dirixencia sindical y escontra la Unión Patriótica, recibió amenaces de muerte de manera reiterada. Asesinaron a cuatro integrantes de la so familia por promover derechos sindicales, territoriales y políticos. La Fiscalía Xeneral omite'l deber d’investigar a componentes del Exércitu Nacional adscritos al Batallón 21 Vargas, denunciaos por operar n’alianza col grupu narco-paramilitar Águiles Negres, qu’atacaron per años a les comunidaes llabriegues afiliaes a SINTRAGRIM nel altu Ariari (Meta).

DALIA ye dirixente nel Conseyu Comunitariu Laurenzio Molina de Fonseca (La Guajira). Amenazáronla con represalias por denunciar la corrupción y promover l'alcuerdu de paz. Nel 2022 foi candidata a la Cámara de Representantes en representación de les víctimes poles delegaciones de paz del Magdalena, Cesar y Guajira. Amenazáronla y declaráronla oxetivu militar los paramilitares por denunciar actos de corrupción al elector cometíos pol candidatu fraudulento y fíu de xefe paramilitar "Jorge 40".

MARIA YENNY ye defensora de los derechos humanos, representa a les víctimes del conceyu de Tuluá (Valle). Ye dirixente na Fundación CEPA y participa de la Rede de Muyeres de la Federación de Xuntes d'Aición Comunal del Valle del Cauca. Amenazáronla les disidencies de les FARC, que-y esixen abandonar la rexón y l'activismu polos drechos de les mujeres, la paz y los derechos humanos.

NELLY tevo que convivir cola guerra quasi tola so vida. Ye cabezalera llabriega ya integrante d'una xunta d'aición comunal. El territoriu nel que tien una faza tierra quedó baxo'l control de les disidencies de les FARC, que la consideren oxetivu militar por puxar pola paz y oponese al allistamientu forciáu. Ye integrante de la Guardia Llabriega nel sur de Tolima y del Movimientu de Víctimes de Crímenes d'Estáu (MOVICE).

ZULMA ye integrante de la Fundación Rostros y Güelgues del Sentir Humanu –GARÍFUNA–, enllaz de la Mesa Territorial de Garantíes del Valle y de la Coordinación Colombia-Europa-Estaos Xuníos. Defende los derechos de les víctimes y los de la mocedá na ciudá de Buenaventura. Amenazáronla bandes urbanes dedicaes al tráficu de drogues y a la estorsión. Componentes de la policía exercen un usu arbitra-



Control de la policía en Tuluá.

riu de l'autoridá sumándose a la persecución escontra xóvenes con montaxes xudiciales que la Fiscalía omite investigar.

JAINER ye defensor de los derechos humanos, cabeza-leru social, dinamizador de les xuntes d'aición comunal nel suroriente de Barranquilla. Integrante del Comité Permanente pola Defensa de los Drechos (CPDH). Intervién nos procesos de restablecimientu de los drechos de les víctimes del conflictu armáu internu nel departamentu del Atlántico. Foi representante de la Unión Xuvenil Enemigos del Silenciu (UJES) nel barriu La Luz de Barranquilla; encabeza aiciones cíviques, culturales, educatives y de resolución pacífica de conflictos. Foi candidatu a edil nes elecciones territoriales del 2023. Pol so llabor comunitariu escontra la violencia y escontra la corrupción vien recibiendo persecuciones, amenazas y estorsiones por parte de grupos armaos urbanos.

"Gracies pola so solidaridá. Sabemos d'esa llarga trayectoria d'Asturies acoyendo a la nuesa dirixencia social en peligru".⁵⁹

59 Senador Julián Gallo. Partíu Comunes. Senáu de la Repùblica. Bogotá, 16 d'abril del 2024.

NORTE DEL CAUCA

Reunión cola ACIN, territorios del puelu indíxena nasa

El Norte del Cauca ye una de les rexones más afecataes pola violencia. Los habitantes de los territorios ancestrales del puelu nasa y los territorios colectivos de les comunidaes negres y llabriegues nel Norte del Cauca tán sometíos a les consecuencies del camudamiento, la espansión y la degradación del conflictu armáu, con repercuiones graves pa la población civil, como lo constató la delegación asturiana en Santander de Quilichao, Caloto y Corinto.

Los enfrentamientos ente disidencies de les FARC en Corinto, Caloto, Toribío, Miranda, Florida y Pradera agraven la situación de crisis de los derechos humanos.

N'avientu del 2023 efectivos del ELN asesinaron al cabezaleru llabriego y defensor de los derechos humanos CARLOS QUIJANO, integrante de l'ASOCAT, encargáu de la guardia llabriega nel oriente del Cauca, integrante del PUPSOC (Procesu d'Unidá Popular del Suroccidente Colombianu), promotor de la zona reserva llabriega de Totoró - Silvia - Inzá - Paez.⁶⁰

Los testimonios recuéyenlo:

“L'acompañamientu ayúdamos a resistir nel territoriu, nunha guerra que nun ye nuesa, pero na que los indíxenes ponemos muchos muertos”.

“A los nases tán esterminándomos, nos 22 territorios. Hai varies guerrilles desorganizaes y en descomposición, ensin una llinia de mandu clara. Eso fai que sia difícil dialogar con ellos, porque nun se sabe quién ye quién. Amás, hai amenaces, hai mieu de denunciar y la decisión de nun

60 https://www.facebook.com/story.php?story_fbid=743904384428870&id=100064279466226&paipv=0&eav=AfbJ94HhjgBBQ9g-6_T_OicnMhrSRrTQ_qcuOtuNRFb1ZjHNVkZ4MN6pN-5yWKDug_w&_rdr

mos dexar esllarigar; por eso tenemos puntos de control, facemos asamblees permanentes”⁶¹

“Nel resguardu de López Adentro tenemos muchos muertos, masacres, cada selmana maten xóvenes nasa qu'allistaron, nun son enemigos de nós, son los nuesos fíos, son nases.

Dempués de la desmovilización de les FARC la guerrilla quedó ensin dirección, ensin mandu unificáu, ensin orientación, ensin más propósitu que ‘faese presente’. Amás, el Bloque Oriental nun se coordina col EMC-FARC porque se dividieron, faciendo más complexa la situación.

Paramilitares y guerrilles usen les cases de los indíxenes p'atrincherase cuando hai combates, incumpliendo'l drechu internacional humanitariu”.

Nos 22 territorios del puelu nasa habitáu por 140.000 indíxenes rexistróse nel añu 2023 la cifra de 153 allistamientos de menores, 124 homicidios, 100 amenaces, 33 retenciones, 30 persecuciones y combates, 26 atentaos, l'afayu de 19 artefactos esplosivos, 12 esllarigamientos, 7 masacres, a 6 personnes desapaeciérónles, a 4 secuestráronles, a 3 comunidaes confináronles.⁶²

A pesar de los ceses del fueu ente'l gobiernu nacional y les guerrilles ELN y l'EMC-FARC, que tuvieron efectu nel segundu semestre del añu, redúxose la confrontación armada ente los actores de la guerra, pero la violencia escontra les comunidaes aumentó.⁶³

Medró'l control armáu por parte del EMC-FARC, que fortaleció los frentes Dagoberto Ramos y el frente Jaime Martínez. Estos grupos marcaron el territoriu con simboloxía de guerra, valles, desfiles y grafitis, aumentaron les aiciones escontra l'autonomía indíxena y l'intentu d'ocupación de los escenarios políticos.⁶⁴

61 Visita puelu nasa cola ACIN. Santander de Quilichao, Caloto y Corinto. 8 d'abril del 2024.

62 Informe de desharmoníes territoriales 2023. ACIN. Texíu de Defensa de la Vida y los Derechos Humanos.

63 Informe de desharmoníes territoriales 2023. ACIN. Texíu de Defensa de la Vida y los Derechos Humanos.

64 Informe de desharmoníes territoriales 2023. ACIN. Texíu de Defensa de la Vida y los Derechos Humanos.



Reunión con el partido Comunes en el Congreso de la República.

La llegada del ELN agudizó la confrontación pol control territorial.

Nel añu 2023 arreciaron los ataques a personas integrantes de la guardia indíxena y a los médicos tradicionales del puelu nasa; a seis d'ellos asesináronlos dientro d'una estratexa que busca debilitar la fortaleza cultural nasa y pon a esi grupu humanu en riesgu d'esterminiu.⁶⁵

“Lo que faíl gobiernu ye meter fuercia pública, pero esa nun ye la solución, porque agarra al puelu metanes el conflictu ente dambos. ¿Cómo podemos pasar de colleches illícites a colleches llícites? Ye lo que-y reclamamos al gobiernu, porque nós nun tenemos los recursos”.⁶⁶

“Tien d'haber una masacre pa quél gobiernu se pueda mover. Eso ye lo que mos dio a entender la Unidá de Víctimes”.⁶⁷

“Vustedes formaron y formaron mal, dicenmos a les mujeres nasa, porque agora hai mucha violencia. Pero nosotros nun formemos mal, la violencia vien por tanta inxusticia dende l'Estáu”.⁶⁸

Nel resguardu nasa de López Adentro los comuneros afirmen que: “Vese más fuerte'l conflictu agora que cuando taben actives les FARC. Sabemos y sentimos que nun tenemos garantíes pa tar en tranquilidá”.⁶⁹

65 Informe de desharmonías territoriales 2023. ACIN. Texú de Defensa de la Vida y los Drechos Humanos.

66 Visita puelu nasa cola ACIN. Santander de Quilichao, Caloto y Corinto. 8 d'abril del 2024.

67 Visita puelu nasa cola ACIN. Santander de Quilichao, Caloto y Corinto. 8 d'abril del 2024.

68 Visita puelu nasa cola ACIN. Santander de Quilichao, Caloto y Corinto. 8 d'abril del 2024.

69 Visita puelu nasa cola ACIN. Santander de Quilichao, Caloto y Corinto. 8 d'abril del 2024.



In memorian Nicolás Neira. Bogotá.

Sobre les misiones de la Organización de Naciones Xuníes en Colombia, la xente nasa afirma que: “Vien, quédase cola información, col contestu, pero colen y nós quedamos col problema”.⁷⁰

“Ye mui difícil tar nel diálogu cuando mos siguen matando nuna guerra que nun ye nuesa. Tocómos poner la vida, pero esta guerra nun ye nuesa”.⁷¹

-
- 70 Visita puelu nasa cola ACIN. Santander de Quilichao, Caloto y Corinto. 8 d'abril del 2024.
- 71 Visita puelu nasa cola ACIN. Santander de Quilichao, Caloto y Corinto. 8 d'abril del 2024.

Territorios colectivos de les comunidaes negres. Buenos Aires (Cauca)

Los habitantes de los territorios colectivos de les comunidaes negres del Norte del Cauca tán sometíos al control y la violencia exercida polos grupos armaos y la fuerzia pública.

Les comunidaes negres y los resguardos indíxenes de Buenos Aires (Cauca) tán metanes el fueu cruciáu ente l'Exércitu Nacional y la columna Jaime Martínez de les FARC.

Son cotidianos los combates, los bombardeos y los ametrallamientos, los atentaos con esplosivos, los asesinatos selectivos, el confinamiento baxo pena de muerte.

Revisten gravedá los ataques frecuentes al drechu internacional humanitariu por parte de les disidencies, que, según los informes recibíos, ataqueun infraestructures civiles y ocupen escueles y cases pa resguardarase.

L'alcalde de Buenos Aires, Pablo Peña, afirma que: “Hai vientos de violencia y de sangre. Toca dialogar. Pero nun voi dialogar cola guerrilla ensin autorización del gobernu nacional, y namás pal beneficiu de la comunidá... Esti conceyu arrincó café pa semar coca, güei arrinca coca pa semar café”.⁷²

“Cuántos años pasaron y somos centenares de víctimes de la masacre d'El Naya que tamos ensin apoyu, ensin reparación, abandonaos poles instituciones... De nós sacaron hestories, llibros, pero hasta agora nun mos compensaron.”, diz Alejandra Mestizo, viuda de la masacre d'El Naya.⁷³

“De nueve millones de víctimes namás unes tres mil recibieron reparación nel dañu que-yos causaron, el restu nun tienen nada, nin atención psicosocial”.⁷⁴

72 Actu d'homenaxe a les víctimes del conflictu. La Balsa (Buenos Aires). 8 d'abril del 2024.

73 Actu d'homenaxe a les víctimes del conflictu. La Balsa (Buenos Aires). 8 d'abril del 2024.

74 Audiencia n'Ibagué (Tolima). 12 d'abril del 2024.

CENTRO Y SUR DE VALLE DEL CAUCA

Audiencia nel conceyu de Pradera

“Hai centenaes de families llabradoras esllarigaes dende 1990 y siguen ensin vivienda, ensin atención básica, abandonaes pol Estáu”.⁷⁵

“La impunidá sigue. Tolos asesinatos de xóvenes de la ‘primer llinia’ cometíos pola policía y por paramilitares cuando l'estallíu social nel Valle del Cauca siguen impunes”.⁷⁶

“L'asentamientu La Esperanza, allugáu en Pradera, tien trés resguardos indíxenes y vive la violencia dende 1984”.

“El 4 d'agostu del 2023 asesinaron impunemente a LUIS EDUARDO TIMANÁ GARCÍA, ex-autoridá del resguardu indíxena Kwet Wala de Pradera, cabezaleru de l'Asociación Nasa y candidatu al conseyu municipal de Pradera. Taba amenazáu pol grupu paramilitar Águiles Negres y poles disidencies Nueva Marquetalia. Ye mui grave que la xusticia nun dea resultaos nesti y en tantísimos casos d'asesinatos de la dirixencia de los pueblos”.⁷⁷

“En Pradera, dende los alcuerdos de paz del 2016, arreció la guerra, cola llegada de les disidencies de les FARC. la Segunda Marquetalia, les Columnes Jaime Martínez, Adán Izquierdo y Dagoberto Ramos, l'ELN, varios grupos paramilitares y la fuerzia pública. Aumentaron los abusos a civiles, l'allistamientu de menores, l'esllarigamientu forciáu”.

“La violencia en Pradera arreció nel correximientu La Ruiz, al que llegaron más de quinientos paramilitares, que castraron a HÉCTOR MANUEL VARGAS y estendieron la violencia per tol territoriu, espulsando a más de 400 families. Dalgunes volvieron al territoriu ensin garantíes”.⁷⁸

“Les comunidaes negres de Tuluá tuviemos que recibir población desplazaos del Valle, Cauca y Chocó. Dempués tocómos sacar a los neños de la rexón pa que nun los lleven allistaos a la fuerzia”.

“Antes había un interlocutor na guerrilla y defendíen intereses de la población. Agora namás l'ELN tien una cadena clara de mandu”.

“Los del Estáu Mayor Central (EMC-FARC) diz que son una guerrilla, pero tán comportándose igual que los paramilitares, porque son aliaos de los narcos y peleen por mantene-yos el control del territoriu a les mafies, incluyéles de Méxicu”.⁷⁹

“Los que defendemos drechos humanos tenemos un gobiernu amigu que nun tien el poder, nin el control armáu de muchos territorios”.⁸⁰

Un familiar del dirixente social asesináu Eduardo Timaná afirma sobre los panfletos amenazantes tres el crime que: “Too esto pasa pa mantenelu a ún col mieu persistente... ¿En quién confío si agrede l'Estáu y les disidencies de les FARC?”

P'ASTRACAVA hai una resquebra ente'l gobiernu central y les instituciones nel territoriu.

“Les FARC construyéronnos una escuela, el gobiernu bombardióla. Les FARC construyéronnos un hospital, el gobiernu esmantelólu. Nesi tiempu nes FARC había con quién falar”.⁸¹

“Lo que fixeron nel gobiernu de Duque foi treslladar grupos paramilitares pa controlar la economía illegal. Pa nós la columna Jaime Martínez nun ye un grupu revolucionariu, sinón un grupu paramilitar pal narcotráficu”.

“Paz con fame ye imposible”.⁸²

“Son víctimes y son revictimizaes cuando piden la indemnización. Faciendo cola dende les cuatro la mañana pa meter la instancia a les dos de la tarde”.⁸³

75 Audiencies en Pradera y Tuluá (Valle). 10 d'abril del 2024.

76 Audiencies en Pradera y Tuluá (Valle). 10 d'abril del 2024.

77 Audiencies en Pradera y Tuluá (Valle). 10 d'abril del 2024.

78 <https://representantealbertojejada.com/llamado-a-la-solidaridad-con-hector-manuel-vargas-victima-de-represion-en-2021/>. Audiencies en Pradera y Tuluá (Valle). 10 d'abril del 2024.

79 Audiencies en Pradera y Tuluá (Valle). 10 d'abril del 2024.

80 Audiencies en Pradera y Tuluá (Valle). 10 d'abril del 2024.

81 Audiencies en Pradera y Tuluá (Valle). 10 d'abril del 2024.

82 Audiencies en Pradera y Tuluá (Valle). 10 d'abril del 2024.

83 Audiencies en Pradera y Tuluá (Valle). 10 d'abril del 2024.



Audiencia nel conceyu de Tuluá

El territoriu de Tuluá dispútenlu dos disidencies de les FARC y otros grupos armaos que, según les denuncias recibíes, centren los ataques na población civil, pa sometelo mediante l'axorizu.

ASTRACAVA denunció la continuidá de la persecución de los últimos años al campesináu y tou tipu d'organización social en Valle del Cauca cola fin de desactivar la organización autónoma de les comunidaes per aciu del mieu y l'asesinatu de les personnes dirixentes.

“Ye grave que maten a la xente que firmó la paz hai siete años porque eso nun xenera enfotu nos que tán dialo-

gando nestos díes; yá saben lo que-yos espera. Ye mui grave l'asesinatu de JOSE ALONSO VALENCIA, firmante de la paz, integrante del partíu políticu Comunes y presidente de la Xunta d'Aición Comunal del correximientu La Moralia de Tuluá”.⁸⁴

“Hai comunidaes llabriegues asediaes por grupos de disidentes como'l Frente 57, encabezáu por YAHIR BERMÚDEZ, y la columna móvil Adán Izquierdo, sumao a les amenaces de ‘La Oficina’, qu'impiden el movimientu de

⁸⁴ Audiencies en Pradera y Tuluá (Valle). 10 d'abril del 2024.



Audiencia en Ibagué.

les comunidaes nos sos llabores cotidianos. Negámosmos a vivir nun estáu de mieu y coerción".⁸⁵

"Trabayé como fiscal nos Montes de María cola Unidá Nacional de Drechos Humanos de la Fiscalía Xeneral. Mataronme l'equipo de trabayu, tuvi qu'arrenunciar pol peligru".

"Hai xente desapaecío dende'l 2000 y sabemos n'ónde ta enterrao porque los militares confesaron, pero nun recuperen los cuerpos. ¿Por qué nun lo faen?".

"Equí hai un asediu al partíu Comunes, que nun lu componen namás firmantes de la paz, sinón ciudadanía en xeneral".

IVÁN ANTONIO LÓPEZ CASTAÑEDA ye defensor de los drechos humanos, integrante del CPDH y de la Unión Patriótica. Denuncia l'acoso por parte d'axentes de seguridá del Estáu, la falta d'investigación de les amenaces de muerte, los intentos de desapaición forciada por parte del Gaula de la Tercer Brigada del Exércitu, varios atentaos nos últimos años y la desprotección por parte de la UNP.

El CPDH Valle del Cauca denunció la crisis humanitaria nel Valle y les amenaces que se producen por pidir cuentes de 190.000.000 de pesos destinaos al alcuerdu de paz. Por falta de garantíes, esto ye, por mieu, nun denunciaron énte la Fiscalía casos de desapaiciones forciaes y d'escauartiamientu de personas. Denuncien propagación d'amenaces de muerte a la dirixencia social y la posible participación d'integrantes

de la policía nacional nel asesinatu del cabezalero indíxena del cabildru nasa Kwet Wala LUIS EDUARDO TIMANÁ. Tamién denuncien un aumentu de los asesinatos, l'allistamiento forciáu y les disputes ente grupos armaos, too esto ensin que l'alcaldía, la Personería y la Fiscalía actúen y ensin qu'el Ministeriu del Interior se pronuncie.

Les organizaciones de drechos humanos denuncien la impunidá en que s'alcuentra l'asesinatu de 67 personnes cuando l'estallíu social del 2021, de les que 48 fueron na ciudá de Cali. La Fiscalía ta cuestionada por nun mostrar avances na investigación abierta al conceyal de Cali ANDRÉS ESCOBAR, acusáu de disparar dende les files de la policía a personnes movilizaes nes manifestaciones.



Libertad para Simón Trinidad.

CALDAS, PUEBLA INDÍXENA EMBERA CHAMÍ DE RIOSUCIO

En Caldas reconfigúrase'l conflictu armáu con personal de los grupos paramilitares que nun s'acoyerón a la Llei de Xusticia y Paz del 2005, como'l Frente Cacique Pipintá de les AUC. La so influyencia llegó a los barrios de les ciudaes, onde apliquen apavoriu pa tener el control social.

Esa espansión paramilitar agravóse nos últimos cuatro años y ta venceyada col tráficu de drogues, cola minería illegal, cola construcción de pequeñes centrales hidroeléctriques y con procesos d'estranxerización de les tierres, que

85 Audiencies en Pradera y Tuluá (Valle). 10 d'abril del 2024.

ponen en riesgu altu a comunidaes llabriegues, indíxenes y negres del Cauca, Valle del Cauca, Chocó, Caldas y la rexón del Magdalena Mediu.⁸⁶

Tamién ta afectando a les comunidaes la espansión del monocultivu d'aguacate hass, pola deforestación pa semalos, pol altu consumu d'agua y pola presión y coerción sobre les comunidaes.

En Caldas actúen grupos y bandes como Los Flacos, La Mesa, el Clan d'Oriente, la Cordillera, el Clan de la Montaña, los Caciques Paramilitares, La Oficina d'Armenia y otros grupos de los que'l gobiernu departamental niega la esistencia.⁸⁷

Riosucio tien nueve mil víctimes. El resguardu indíxena Cañamomo y Lomaprieta ye una víctima colectiva.

El departamentu de Caldas tien 4.500 personnes daes por desapaecíes y d'elles 500 son de Riosucio. "Ye muncha xente desapaeció pa lo pequeñu que ye'l pueblu".⁸⁸

"El nuesu territoriu tán invadiéndolu bandes criminales que nun tienen otra ideoloxía que la de faer perres col tráficu, la minería y la estorsión. Son xente que trabaya pa les economíes illícites y que nun dulden en matar. Anque los indíxenes embera tenemos midíes cautelares de la CIDH-OEA, el grupu paramilitar Cacique Pipintá de les AUC matómos el día de les víctimes, un 9 d'abril del 2022, a MARÍA FABIOLA LARGO, que diba ser l'alcaldesa de Riosucio. Ella yera l'autoridá embera nel resguardu Nuestra Señora Candelaria de la Montaña".⁸⁹

"La hestoria de la violencia escontra nós ye vieya. Pasemos de ser suxetos culturales a suxetos políticos cola Llei 89 de 1890 del Congresu de Colombia 'Pola que se determina la manera como deben ser gobernaos los selvaxes

que vayan reduciéndose a la vida civilizada'. Equí cortáben-yos la llingua a los indios que se negaron a falar l'español. Nestos díes hai acusaciones falses, que suelen salir antes d'agredimos, como decir que la Guardia Indíxena ye la milicia de les FARC".⁹⁰

"Una de les mayores amenaces que tenemos los embera vien de la minera ANGLOGOLD ASHANTI, que se presenta con varios nomes pa engañar y los sos intereses defendéndolos los grupos paramilitares, que nun esisten según les autoridaes del departamentu, pero ehí tán, estorsionando, amenazando, matando, agrediendo la nuesa vocación de paz, que pue vese nos proyeutos productivos pa la reincorporación qu'hai en La Pangola: apicultura y acuicultura con equidá de xéneru".⁹¹

"Tenemos 150 guardies indíxenes activos nel territoriu embera y un pebidal de guardies del territoriu y prevenímos l'allistamiento forciáu".⁹²

"Empezamos a tener casos de consumo de drogues ente la mocedá de la comunidá. Eso trai violencia intrafamiliar, perda del sentíu de pertenencia y de la identidá cultural".

"Tán intentando allistar a ex-guerrilleros pa entrar a la Nueva Marquetalia".

"L'Axencia Nacional Minera y l'Axencia Nacional de Tierres dexaron vencer el plazu pa desllindar y ampliar el resguardu".

"Pel resguardu Cañamomo pasa xente armada d'un grupu del narcotráficu llamáu La Cordillera. El gobiernu departamental niegalo, tamién niega la esistencia del conflictu y de les víctimes. Tenemos que buscar a personas desapaecíes que puen tar pela zona de Supía, San Lorenzo, Cañamomo...".⁹³

86 Informe Cartografía de vulneraciones a los Derechos Humanos y reconfiguración del conflictu na Exa cafetera. MOVICE Capítulu Caldas, 2024.

87 Audiencia con autoridaes del puelu indíxena emberá chamé de Riosucio (Caldas). 11 d'abril del 2024.

88 Audiencia con autoridaes del puelu indíxena emberá chamé de Riosucio (Caldas). 11 d'abril del 2024.

89 Audiencia con autoridaes del puelu indíxena emberá chamé de Riosucio (Caldas). 11 d'abril del 2024.

90 Audiencia con autoridaes del puelu indíxena emberá chamé de Riosucio (Caldas). 11 d'abril del 2024.

91 Audiencia con autoridaes del puelu indíxena emberá chamé de Riosucio (Caldas). 11 d'abril del 2024.

92 Audiencia con autoridaes del puelu indíxena emberá chamé de Riosucio (Caldas). 11 d'abril del 2024.

93 Audiencia con autoridaes del puelu indíxena emberá chamé de Riosucio (Caldas). 11 d'abril del 2024.



Entrevista con la embajada de España en Colombia.

“Reconfigúrase'l ciclu de violencia, y les guerrilles y los paramilitares actúen como si fueren una empresa, con franquicias. Llámense Clan del Golpu, Los Flacos, Clan d'Oriente, Tren d'Aragua. Son bandes difíciles d'identificar, que diversificaron la so cartera criminal con actividaes d'estorsión, amenaces, sicariatu, desapaición forciada, trata de personnes, prostitución, creitos ‘gota gota’. Exercen el control social con amenaces dientro de les sos ‘fronteres invisibles’”.⁹⁴

A l'aición criminal de les bandes súmase la repercusión nes comunidaes de los monocultivos d'aguacate, con gran impautu ambiental y nel consumu d'agua.

94 Audiencia con autoridaes del puelu indíxena embera chamí de Riosucio (Caldas). 11 d'abril del 2024.

N'El Congal, Pensilvania y San Miguel tamos afectaos pola minería del oru de l'AngloGold Ashanti. “Llega al nuesu país nel año 2000, pero hasta'l 2003 nun empiciapía cola actividá d'esploración, trabayu que dende esi año involucra non solo los capitales de l'AGA, sinón tamién d'otres grandes empresas, coles que comparten riesgos económicos, tales como la suiza Glencore y la canadiense Gold Corp., Mineros S.A. y Mega Uranio. Nel mes d'avientu del 2009 AGA consiguiera en Colombia 423 títulos mineros, que sumen 6.600.200 diáes de gües (825.025 hectárees). El so proyeetu estiéndese a lo llargo de les trés cordeleres, fundamentalmente dende'l Sur, na frontera con Ecuador y a lo llargo de les cordeleres Occidental y Central. En territorios del Tolima, n'onde col pasar del tiempu estableció'l so principal proyeetu, los años inmediatamente anteriores fueron

testigos de la violencia militar y paramilitar, ‘pacificando’ territoriu’, el mesmu onde s’instaló l’AGA y el so controvertiu proyeetu de La Colosa. Otro tanto pasa güei en día en departamentos como Cauca, onde a día de güei ‘l’apoxéu mineru’ costó la vida d’afrodescendientes ya indíxenes que resisten nos sos territorios”.⁹⁵

“Los puebos indíxenes tamos preocupaos. ¿Cómo seguir resistiendo tanta violencia? ¿Cómo allugar la nuesa voz? Necesitamos que nos ayuden a estructurar proyectos de manera técnica y per internet. Ye importante que nos tresfieran esos conocimientos y esperencies”.⁹⁶

“El bon vivir nun ye que nos dean coses materiales pa que nos asimilen la cultura. Ye que nos permitan vivir el nuesu territoriu. Cuando exercimos como suxetos políticos, hasta'l nuesu orixe se punxo en dulda. La guardia indíxena ye la nuesa espresión de paz, porque nun alcontramos garantíes nel Estáu”.⁹⁷

TOLIMA. AUDIENCIA N’IBAGUÉ

El departamentu del Tolima tien una hestoria de conflictu qu’aboga los últimos 70 años y les organizaciones sociales de la rexón señalen con preocupación el reocrudecimientu del conflictu armáu. “Prendió esto otra vegada. El Tolima vive otru ciclu de violencia. Agudizóse l’allistamiento forciáu, l’usu de neños/es y xóvenes por parte de los grupos armaos na rexón sur del Tolima, principalmente nos conceyos de Rioblanco, Chaparral, Ataco y Rovira. En ciudaes como Ibagué espardióse'l microtráfico de drogues y l’ofrecimiento de dinetu y armes a la mocedá en barrios como El Salado. Lleguen les multinacionales y esto empeora porque cada empresa minera llega colos sos bandíos”.⁹⁸

95 <https://www.semillas.org.co/es/anglogold-ashanti-caracterizaci>

96 Audiencia con autoridaes del puelu indíxena embera chamí de Riosucio (Caldas). 11 d’abril del 2024.

97 Audiencia con autoridaes del puelu indíxena embera chamí de Riosucio (Caldas). 11 d’abril del 2024.

98 Audiencia n’Ibagué (Tolima). 12 d’abril del 2024.



“Les víctimes del Tolima son revictimizaes poles instituciones. En muchos casos les víctimes muerren esperando la reparación o la restitución de les sos tierres”.⁹⁹

“La gobernadora del Tolima y la matriz mediática nieguen la esistencia del conflictu y nieguen les amenaces a la dirixencia social. Nesi ambiente puen venir más agresiones a la dirixencia social y a les bases, sobre too nel sector rural, amás porque les autoridaes namás entienden la seguridá como la militarización de la vida civil y del territoriu, y eso va agravar les coses, eso yá lo vivimos mediu sieglu y nun resolvío'l problema. Ibagué ye una ciudá enllena d’inxusticies, d’inequidá, na que la miseria vese nes cais y cada día lleguen families llabradoras esllarigaes y l’alministración nun atiende'l problema social, que crez”.¹⁰⁰

“Nel correximientu de La Marina de Chaparral hai grupos estorsionando, faciendo allistamientos forciaos. A una familia decapitáronla. Hai actores armaos nuevos y nun sabemos quién son, pero tán moviendo al campesináu en masa. La gobernadora fíégalo, ella primero calumnia y dempués militariza”.¹⁰¹

“A l’AngloGold Ashanti y el so proyeetu La Colosa echámosla pa defender l’agua, el suelu, la vida, la soberanía alimentaria, porque quixo atacar el Conveniu 169 de la

99 Audiencia n’Ibagué (Tolima). 12 d’abril del 2024.

100 Informe de la Xuntanza Académica, Social, de Paz, Drechos Humanos y Víctimes del Tolima.

101 Audiencia n’Ibagué (Tolima). 12 d’abril del 2024.



Comunidad negra de Buenos Aires/Cauca.

OIT y quixo imponer los sos intereses como si fueren los de nós".¹⁰²

“Ye perpeligroso cruciase nel camín de l’avaricia de les empreses mineres. Al dirixente social y ambientalista del conceyu de Falán, WILMER ANTONIO AGUILAR RODRÍGUEZ, matáron-y al fíu, JOHAN FERNEY AGUILAR GONZÁLEZ, dempués de tener presentao una aición de tutela escontra la empresa minera Miranda Gold y poques hores dempués de denunciar amenaces de muerte y de participar nun taller col Ministeriu del Interior.

Pal Movimientu de Víctimes de Crímenes d’Estáu (MOVICE): “Preocúpamos tamién que l’alcaldía emitió un decretu que prohibíal drechu a la movilización, el drechu a la llibre espresión y la participación de xóvenes na audiencia pública. Sentimos qu'esti actu ye una amenaza a defensores del territoriu y de los drechos humanos y una

102 Audiencia n’Ibagué (Tolima). 12 d’abril del 2024.

alvertencia pa toos aquellos que s’oponen a los intereses de los poderes corporativos”.¹⁰³

“Hai multinacionales provocando daños nel Tolima, como Cemex, Silver Canadá, Sector Resources y AGA y otros, que se vienden como benefactores de les nueses comunidaes y mienten sobre los impautos de la so actividá, como pasa nel conceyu de Santa Isabel”.¹⁰⁴

“Tamos encantaos d’anunciar esti proyecto industrial y d’infraestructura d’altu impautu, n’asociación con Sector Resources Ltd., dirixíu pol dinámicu William Dell’Orfano y el so equipu. Sector Resources xugó un papel mui importante nes comunidaes onde tien mines: contratación de servicios, vivienda, catering y otros servicios rellacionaos cola minería pa contratar la mayor parte de la mano d’obra del llugar de Santa Isabel y de la rexón en Colombia, y tamién del llugar d’Atlin, Columbia Británica, Canadá”.¹⁰⁵

Recibimos denuncies que señalen una transición enerxética inxusta. “N’El Bosque de Galilea los llabradoreos que protexeron esa reserva natural dende hai 70 años tán en riesgu de que los desagospiean y nun-yos van entitular les sos tierres porque apaecieron propietarios con escritures de fai años. Van echar a los que curiaron el parque”.¹⁰⁶

“La trata de mujeres y neñes pa la prostitución ta subrexistrada y lligada al narcotráficu. Nun se denuncia porque la Fiscalía nun guarda la confidencialidá y ye un peligru. Tardes más en denuncialos, que los delincuentes en sabelo”.¹⁰⁷

103 <https://movamientodevictimas.org/rechazamos-contundentemente-el-asesinato-de-johan-ferney-agUILAR/>,

104 Audiencia n’Ibagué (Tolima). 12 d’abril del 2024.

105 Declaraciones de Carlos Santos, director xeneral d’Ethos Asset Management Inc.<https://www.halconespalomas.com/2023/06/20/ethos-asset-de-e-u-inyecta-capital-a-sector-resources-de-canada-para-desarrollar-proyecto-de-oro-las-animas-en-el-tolima/>

106 Audiencia n’Ibagué (Tolima). 12 d’abril del 2024.

107 Audiencia n’Ibagué (Tolima). 12 d’abril del 2024.

“Los maestros que defendemos la reforma agraria, el progresismu, la educación pública, tamos siendo amenazaos de muerte y persiguíos por guerrilles y paramilitares que tán ensin control”.

“CORTOLIMA [Corporación Autónoma Rexonal de Tolima] emite llicencies mineres y de construcción, como'l de la constructora Bolívar, que se permitió valtar viesques y secaron los peyos d'agua. Esa empresa construyó la urbanización ‘Arboleda Campestre’, na que vienden apartamentos ensin accesu al agua potable xenerando un problema social y ambiental que va n'aumentu. ¿Cómo foi posible que-yos dieran llicencia ambiental y de construcción?”.¹⁰⁸

“Hai alcaldes que consideren que se mancha'l bon nome del so conceyu si facemos alertes públicos del estáu del conflictu. La Defensoría del Puelu incluílos nel Sistema d'Alertes Tempranes por riesgu d'ataques graves a los derechos humanos. Hai entidaes públicas que nun atienden les alertes tempranes, nin responden la orde nacional o departamental pa prevenir”.¹⁰⁹

“L'Estáu Mayor Central (EMC-FARC) entró cola columna móvil Gabriel Ruiz pela zona rural d'Ataco y punxeron un coche bomba'l 30 de marzu del 2024, pero l'alcaldía n'égalo, diz que pa nun afectar al conceyu”.¹¹⁰

“La personería municipal nun pue investigar nin sancionar a los componentes de la fuerza pública que nun cumplen col so deber, porque la competencia tienla'l nivel nacional”.¹¹¹

“Nosotros venimos denunciando dende hai años allisamientos, asesinatos. Tenemos el microtráfico, tenemos violencia sexual, turismu de neños indíxenes. El puelu ponemos los muertos y la mafia los fusiles”.¹¹²

Visita al Espaciu Territorial de Capacitación y Reincorporación, ETCR “Antonio Nariño”, La Fila (Icononzo, Tolima)

La delegación asturiana tevo en La Fila en marzu del 2017, seis meses dempués de firmáu l'alcuerdu de paz. Siete años más tarde, la impresión ye que los ex-guerrilleros tán al límite. Cumplieron la so parte del alcuerdu, pero abandonáronlos xunto coles sos families y los sos proyectos pa vivir; estiéndese'l mieu, l'escepticismu:¹¹³

“Lo bono d'esti procesu de paz ye que-y aforramos miles de víctimes al país”.¹¹⁴

“Dexé les armes en Marquetalia y echómos el Cartel de Sinaloa. Lleguemos a Tuluá y fundemos la Cooperativa Multiactiva del Común, cola idea de trabayar y collechar paz, pero asesinaron al cabezaleru WILSON SAAVEDRA, el 14 de mayu del 2019, y salimos otra vez esllarigaos... Organicemos 154 cooperatives en tol país y creemos una federación de cooperatives”.

“Preocúpamos l'abandonu de los gobiernos. Vivimos en viviendas minúscules, unes caxes de cerilles feches con amiantu, que ye canceríxeno. Reincorporéme en La Uribe y ellí entreguemos 150 fuxes comunes. Al mio primu, tamién reincorporáu, asesináronlu'l 8 d'avientu pasáu n'Acacías (Meta). Agora toi n'Icononzo. Desacreditáronme y acusáronme d'allistar xóvenes. Ye falso. Nun quieren vemos equí”.

“Pasemos de guerrilleros a escoltes. Soi'l presidente del sindicatu d'escoltes del Tolima. Toi amenazáu, desarmáu y viviendo na caseta del perru. Toi comprometíu cola paz, pero entiendo a los que nun dexaron les armes porque nun aguantaron vivir nesta marxinalidá y con tantu peligru. Hai xente viviendo bien, pero la base de lo que fueron les FARC tamos mal día a día. Fai una selmana vieno a La Fila'l qu'asesinó a un hermanu. Van asesinamos”.

“Pidímos-yos a los europeos qu'entamen una campaña pola llibertá de Simón Trinidad, que sigue presu nos Estaos Xuníosinxustamente y tando acabáu'l conflictu con nosotros”.

108 Audiencia n'Ibagué (Tolima). 12 d'abril del 2024.

109 Entrevista cola Defensoría del Puelu Sección Tolima. Ibagué, Ibagué (Tolima). 12 d'abril del 2024.

110 Audiencia n'Ibagué (Tolima). 12 d'abril del 2024.

111 Entrevista cola Personería Municipal d'Ibagué. 12 d'abril del 2024.

112 Audiencia n'Ibagué (Tolima). 12 d'abril del 2024.

113 Visita al ETCR La Fila. Icononzo (Tolima). 13 d'abril del 2024.

114 Visita al ETCR La Fila. Icononzo (Tolima). 13 d'abril del 2024.



Audiencia en Pradera/Valle del Cauca.

Vengo del Guaviare fuxendo de les amenaces que me lleguen hasta equí. Los altos mandos de les ex-FARC nun vienen a vemos porque tienen mieu que los maten pel caín. En realidá, abandonáronmos”.

“Guapo d'oyer. Dexemos les armes y equí tamos lluchando per tolos llaos, solos, aisllaos, abandonaos. Nun tenemos nada. Nun cumplieron con nós”.

“Yo dexé les armes n'Icononzo. Montemos una empresa testil, COOPTEJPAZ; trabayamos 26 personnes, d'elles once mujeres, pero ye difícil el desarrollu del proyectu por falta de comercialización”.

“Yá pasen de 442 los firmantes de paz asesinaos. Nun caben nesti salón. El gobiernu de Petro nótase que trabaya pola paz, por cumplir l'alcuerdu. Nun tenemos en funcionamiento la escuela que fiximos, falten maestros y tenemos que mandar a los neños mui lloñe y les carreteres tán en permal estáu. La escuela queda a 40 minutos, mui lloñe, nun hai una ruta que lleve a los neños a estudiar. Simplemente nun hai voluntá política nos gobiernos de los conceyos, los alcaldes dicen sí, pero ye mentira”.

“En Rioblanco hai 36 firmantes y 20.000 habitantes, nun hai un proyectu de vida, nada. Un home que tevo baxo mandu míu ta resentiu conmigo porque piensa que lu engañemos a ellí y a otros combatientes y volvió pal monte y amenaza con venir a matamos”.

“Tamos col gobiernu de Petro, pero nun ye fácil, ellí tampoco va solucionar esto. Con Duque yera más rápido resolver problemes de falta de combustible”.

“Cometimos un error estratéxicu. El secretariáu permitió la entrega de les armes que habién garantizar la nuesa seguridá y la continuidá de la política”.

“Llevamos siete años nesti procesu de mentires. Salimos del monte por vivienda, tierra, educación, salú, realcuentru familiar. Pero nun foi posible. Volvíme guerrillero a los doce años, nun estudié porque tocaba combatir. Agora veo a los misos fíos y nun quiero que vivan lo mesmo. Nun tenemos nada que mostrar a otros grupos pa que tamién se desarmen. Les víctimes nun tán preparamos pa la verdá, nin hai garantíes pa dicila porque la XEP volvióse un tribunal al que namás van les FARC y namás les FARC paguen.

El nuesu proyeutu productivu individual cuesta menos de 1.500 euros; con eso tengo que comprar tierra y faer una casa; sedrá una casa nel aire, como la d'Escalona”.

“L'Estáu Mayor Central FARC amenázamos y mátmamos, tamién la estrema drecha y xente del exércitu, toos escontra nós desarmaos. Nun hebo pedagogía del alcuerdu. La xente nun lu conoz, entós nun lu defenden”.

Audiencia del Sumapaz n'Arbeláez

Incumplir l'alcuerdu de paz ye un peligru de rebrote del conflictu armáu pa los habitantes de la rexón de Sumapaz, que padeció más de setenta años de guerra na “eterna disputa pol páramu qu'arrodia Bogotá”.

La delegación asturiana recibió informes qu'alerten de la presencia en Sumapaz de les disidencies de les FARC, Bloque Edison Romaña de la Segunda Marquetalia, Frente 53, que taría faciendo incursiones hai varios meses nel páramu, estorsionando al campesináu, traficando con armes y reorganizándose. “Les autoridaes municipales de la provincia de Sumapaz y la mesma gobernación niéguenlo, namás piensen nes sos carreres polítiques, piensen que van quedar bien niégando la realidá. O nun la quieren ver o faense los fatos. Nun atienden les alvertencies de quien vivimos nel páramu. Ellos dicen que nun son les disidencies sinón bandes de delincuencia común. A ver, qué van dicir, y sobre too qué vamos faer si se prende la mecha de la guerra otra vez”.¹¹⁵

Somos Tierra, CORFODECYT y CORDECAMPO reivindiquen –frente a la inequidá rural– la urxencia de reafirmar al campesináu como suxetu de drechos, el repartu de tierres en programes de reforma agraria, incluyendo les finques incautaes a narcotraficantes, la creación d'una zona de reserva llabriega n'Arbeláez, el fortalecimientu de les organizaciones y de la territorialidá llabriega nel marcu de lo pautao nel alcuerdu de paz y el desarrollu de les comunidaes y los territorios conservando les identidaes culturales.

115 Audiencia de Sumapaz n'Arbeláez (Cundinamarca). 14 d'abril del 2024.

La Xuntanza de Muyeres d'Arbeláez pronuncióse pola paz y pola equidá cola participación amplia de les mujeres y de les organizaciones sociales de la rexón na construcción de los planes de desarrollu.

“Ye mui grave que s'amenaçe a les mujeres con autoridá nes sos comunidaes, por parte del Clan del Golfo, la Nueva Marquetalia, el Tren d'Aragua, les Águiles Negres y les disidencies de les FARC. Les autoridaes y la fuerzia pública niéguen la presencia de guerrilles y paramilitares en Sumapaz, pero esos grupos tán equí y estorsionen al campesináu. Tenemos mieu d'un rebrote del conflictu. Oponémosmos a la guerra y al allistamientu forciáu”.¹¹⁶

“El campesináu d'Arbeláez padez les consecuencias del abandonu de l'alministración a la producción agropecuaria y hai un aumentu de los precios de los alimentos, pero al llabrador páguen-y mui poco pol so trabayu. Cada alministración pon les sos prioridaes y nun dan continuidá al apoyu al campesináu, polo que ye mejor que los recursos se dean directamente al campesináu.

Nestos pueblos la xente tien mieu de denunciar les clas polítiques qu'acaparen too. Hai mieu porque tol mundiu se conoz y dempués cóbren-yla a ún”.¹¹⁷

“Hai un problema coles organizaciones de papel que son una torga pa fortalecer la organización llabriega real, porque son les que se beneficien de la maquinaria, de los suministros y los equipos que l'alministración mantién guardaos habiendo necesidaes nes comunidaes”.

“Defendemos l'hospital municipal d'Arbeláez; siempre foi perimporteante pa tola población d'esta zona, pero tiénenlu esmanteláu. Defendemos el drechu a la salú de calidá pa tol mundiu, pero convirtiéronla nun negociu de los monopolios y de dalgunos políticos interesaos, qu'agora opónense a la reforma nel Congresu”.¹¹⁸

116 Audiencia de Sumapaz n'Arbeláez (Cundinamarca). 14 d'abril del 2024.

117 Audiencia de Sumapaz n'Arbeláez (Cundinamarca). 14 d'abril del 2024.

118 Sindicatu del Hospital d'Arbeláez. 14 d'abril del 2024.



Reunión en el ETCR de La Fila/Icononzo-Tolima.

“L'ospital d'Arbeláez yera un centru de referencia va quince años y tamos recuperándolu. Abrimos ciruxía xeñeral, los suministros tán garantizaos, somos pioneros en telemedicina y tamos aumentando la venta de servicios”.¹¹⁹

“Nun se sabe cuántes mujeres sufren violencia n'Arbeláez. L'alministración diz que nun pasa nada, porque nun hai números, pero esa realidá nun se pue desconocer”.¹²⁰

Sumapaz ta amenazáu y na mira de los que quieren el control del agua, que ye escaso y eso va agravase colos proyeutos turísticos. Tamién ye un peligru'l que nun se cumpla l'alcuerdu de paz porque la violencia pue volver.

119 Alministración del Hospital d'Arbeláez. 14 d'abril del 2024.

120 Audiencia de Sumapaz n'Arbeláez (Cundinamarca). 14 d'abril del 2024.

Los alcaldes de cuatro conceyos de la provincia de Sumapaz, en reunión cola delegación asturiana, dieron la so versión sobre l'estáu de los drechos humanos y de la paz nes sos rexones:

HÉCTOR ESCOBAR, alcalde de Venecia (Cundinamarca): “Nun sufrimos violencia política, nin hai violencia de xéneru. Seiscientes víctimes del conflictu tán organizaes y hai recursos pa diferentes temes. Nun hai cambeos irregulares na calificación del suelu, nin sociedaes con piscines, pero fadremos una pa estimular el turismu. Hai pocos neños y por eso zarremos escueles. Según el comité de seguridá nun hai actores del conflictu, nin guerrilles, nin paramilitares y a la delincuencia ta atacándosela. Trabayamos por prevenir y controlar el consumo de drogues”.¹²¹

121 Reunión con alcaldes de Sumapaz. Arbeláez (Cundinamarca). 14 d'abril del 2024.



Entrevista con el Ministerio de Agricultura.

ENYER SÁNCHEZ, alcalde de Cabrera (Cundinamarca): “La guerra yá acabó en Cabrera. Lo único que mos llegó del gobiernu nacional fueron cinco mil soldaos, nun mos llegaron perres pa salú, nin pa igual les carreteres. Les zones de reserva llabriega nacieron con un tinte ambiental y requieren muchu dinetu, miles de millones de pesos, porque toca faer un plan de reordenamientu territorial y una actualización catastral. Trabayamos por crear una ordenanza del agua, porque nun hai una bona trayida. Nun hai recursos p’atender a los neños con necesidaes especiales. Tengo mil euros p’atender a la tercer edá y 700 p’atender a reincorporaos. Tola xente de la rexón de Sumapaz foi afectao pola violencia. En Cabrera nun hai cambeos irregulares na calificación del suelu.”¹²²

122 Reunión con alcaldes de Sumapaz. Arbeláez (Cundinamarca). 14 d’abril del 2024.

JONATHAN PARRA FORERO, alcalde de Pasca: “Cada rexón ye diferente. Nun hai mujeres muertes por violencia nes sos cases, nun hai rexistros d’eso. Garantizamos los drechos de la comunidá LGBTI. Hai problemes presupuestarios pa mantener los servicios públicos, pero trabayamos pa garantizar la cobertura y la calidá. Nun pue haber esixencies ensin ferramientos. El problema ambiental que xeneren les cochiques ye competencia de la CAR [Corporación Autónoma Rexonal y de Desarrollu Sostenible] non del Conceyu. En Pasca nun hai cla política porque gobiérnase pa toos. Nel nuesu conceyu óise a la mocedá. Nun hai conflictu armáu, muévome con tranquilidá, ensin escolta nin conductor”.¹²³

123 Reunión con alcaldes de Sumapaz. Arbeláez (Cundinamarca). 14 d’abril del 2024.



HUGO NOVOA, alcalde d'Arbeláez (Cundinamarca): “Nun hai mujeres asesinaes nel nuesu conceyu. Trabayamos por solucionar dalgunos problemes colos servicios públicos. Tenemos problemes cola captación d'agua y ye necesario aumentar la capacidá d'almacenamientu. La trayida de San Roque nun ye d'agua potable, ye un sistema de riegu d'usu agropecuariu y cada quien tráitalo. Les cochiquerres y tendayos d'aves sí contaminen l'agua, pero xeneren emplegu y ye necesario crear una planta de beneficiu pa la zona, que xeneraría más emplegu. Tamos reforestando en Tiscince. Na collación La Dorada vamos faer una brigada de salú comunitaria. Per redes sociales creen una conflictividá por causa'l mediu ambiente, pero tamos trabayando por un Arbeláez educáu y sostenible. Una empresa da un mal serviciu d'enerxía. Nun hai cla política, nestos momentos permitímos que di-

ferentes pensamientos tean na alministración del Conceyu. Trabayamos por un catastro multipropósito, el problema ye qu'hai propietarios que nun puen pagar impuestos de bieñes inmuebles altos. Arbeláez ye seguro. Voi ensin escolta y el conseyu de seguridá col GAULA y la fuerzia pública indiquen que nun hai riesgu de rebrote del conflictu. Hai un enllaz pa les víctimes, pero ente elles nun s'entenden, tán dividíes. Respetamos l'autonomía de les xuntas d'aición comunal, que deciden l'usu de la maquinaria del Conceyu. Hai dalguna inseguridá, pero ye por delincuencia común. Dicen ser de les disidencies, pero nun lo son”.¹²⁴

124 Reunión con alcaldes de Sumapaz. Arbeláez (Cundinamarca). 14 d'abril del 2024.



Orlando Rayo Acosta, Consejero Mayor de la ONIC.

LA SITUACIÓN NES ALCÁRCELES

L'Estáu colombianu reconoció dos vegaes que la situación nes alcárceles ye atentatoria a los drechos fundamentales de les persones privaes de la llibertá, que'l sistema penitenciariu tien una infraestructura caduca y que ye incapaz de cumplir cola fin resocializadora de la pena privativa de llibertá.

“L'estáu de coses inconstitucional” del sistema penitenciariu y carcelariu tien base ilegal nes sentencies de la Corte Constitucional T-153 del 1982 y T-388 del 2013, reiterada nel 2015, y caracterízase pola repetida y sistemática vulneración de los drechos fundamentales de les persones privaes de la llibertá con inxerencia y responsabilidá de diverses autoridaes.¹²⁵

En febreru del 2024 el gobiernu declaró la emerxencia nacional carcelaria en tolos centros de reclusión del país como respuesta a los homicidios, atentaos y amenaces al personal de guardia del Institutu Nacional Penitenciariu y Carcelariu (INPEC) en varies alcárceles.¹²⁶

El Comité de Solidaridá colos Presos Políticos manifestó preocupación porque les midíes de la emerxencia dean espaciu a represalias de los funcionarios de les alcárceles, agraven les restricciones a los drechos de les persones privaes de la llibertá o conduzan a práctiques de tortura o tratos crueles, atendiendo a los antecedentes del últimu decretu nel que se militarizaron les alcárceles y asocedió la masacre de l'alcárcel La Modelo de Bogotá, aumentaron les restricciones arbitrarias pal ingresu d'organismos de control, restrinxéreronse tovía más les visites y aumentaron los casos de persones aisllaes en celdes de castigu, ambiente favorable pa la práctica de la tortura. Desconozse'l diag-

125 <https://periodico.unal.edu.co/articulos/continua-la-violacion-de-drechos-humanos-en-las-prisiones-de-colombia>

126 <https://www.minjusticia.gov.co/Sala-de-prensa/Paginas/Gobierno-nacional-declaro-emergencia-carcelaria-en-todos-los-centros-penitenciarios-del-pais.aspx>

nósticu del 2023 y les recomendaciones del Comité de la Organización de Naciones Xuníes escontra la Tortura.¹²⁷

Nos estándares internacionales considérase como grave un nivel de sobre población superior al 20%. Pa xineru del 2024, l'INPEC indicó qu'habría una sobre población de 20.041 personas, eto ye del 24'5%.

La Comisión de Siguimientu de la Sociedá Civil al Estáu de Coses Inconstitucional, nos sos últimos informes, afondó na situación d'illegalidá na qu'incurre'l propiu Estáu nel tema de les alcárceres, ente otres la detención per meses de polo menos 23.000 personas recluyíes en Centros de Detención Transitoria, estaciones de policía y Unidaes de Reaición Inmediata.¹²⁸

Visita a l'Alcárcel y Penitenciaría con Alta y Media Seguridá pa Muyeres de Bogotá, “El Buen Pastor”. 18 d'abril del 2024

La delegación asturiana recibió denuncias de les detenidas, que se quexen del mal estáu de los alimentos y de la contaminación por ratos. Falten elementos d'aséu. L'apetiguñamiento pasa del 45%, ye ún de los más altos de los penales colombianos. En dellos patios lleguen a durmir doce mujeres en celdes pa cuatro. Les entregues de paquetes son cada vegada más reducías y namás se permite una al mes.

Hai falta de melecines y d'atención médica y psicológica –hai una psicóloga pa tola población de l'alcárcel–, lo que deteriora la salú física y mental de les personas recluyíes.

Hai denuncias por violencia psicológica por parte de les autoridaes carcelaries.

Les mujeres que tán xudicializadas por participar nel estallíu social denuncien que tán en situación d'indifensión xurídica, sometíes a procesos arbitrarios, carentes de prue-

bes. Xunto coles recluses pol delitu de rebelión esixen que se-yos reconozca l'estatus de prisioneres polítiques.

Les visites namás son cada venti díes y per trés hores, que queden nuna por causa los tiempos d'espera pa entrar a l'alcárcel.

Denuncien la situación de les personas sindicaes, que paguen alcárcel por más de trés años esperando una sentencia con imposibilidá d'iniciar reducciones de conderga nesta situación y ensin accesu a programes d'estudios.

Hai detenides con estáu de salú precariu ensin accesu a atención médica a les que se-yos ñega la detención domiciliaria.

Visita al Complexu Carcelariu y Penitenciariu con Alta, Media y Mínima Seguridá de Bogotá (COBOG) “La Picota”. 18 d'abril del 2024

La delegación pudo entrevistase con 31 presos por delitos políticos y conexos, que denunciaron incumplimientos graves de los drechos humanos de la población recluyío.

“Hai una comisión que fai siguimientu del estáu de coses inconstitucional qu'hai en toles alcárceres de Colombia. Col gobiernu nuevu, que preside Petro, tenemos más diálogu, pero la situación sigue siendo la mesma”.¹²⁹

“Hai guardianes nesta alcárcel que trafiquen con drogues y son socios de bandes mui peligroses, qu'actúen dentro del penal. Na pandemia tuvimos meses aisllaos dafechu, nun entraron abogaos, nin familiares de los presos, pero nunca faltaron la marihuana y otros drogues, nin les armes. ¿Quién metía eses coses a l'alcárcel? Los guardianes del INPEC”.¹³⁰


“Na alcárcel tortúrase. Torturaron a centenares de presos, dalgunos sobrevivieron y denunciaron, pero nun hai condergues por tortures dende'l 2015. Na alcárcel d'El

127 <https://www.revistaciendiascinep.com/home/emergencia-carcelaria-y-penitenciaria-en-colombia-preocupaciones-frente-a-la-declaratoria-reciente/>

128 www.uexternado.edu.co/wp-content/uploads/2022/07/CSST-388-X-Informe-de-Seguimiento-Version-Final-1.pdf

129 Visita a l'alcárcel ERON La Picota. Bogotá, 18 d'abril del 2024.

130 Visita a l'alcárcel ERON La Picota. Bogotá, 18 d'abril del 2024.



Chiva en Buenos Aires/Cauca.

Muelle de Barrancabermeja hai muchos presos a los que nun se-yos permite l'accusu a lla luz solar".¹³¹

"Hai menores d'edá recluyíos en centros baxo alministración privada, dalgunos de calter relixosu. Son deteníos de los que poco se sabe porque naide pregunta por ellos".¹³²

"Yo llevo 54 meses secuestráu pol Estáu, porque toi procesáu y ensin conderga. Tamos como cucaraches, un perru recibe mejor tratu que nós, la comida que mos dan refúguelo los perros de los vixilantes".¹³³

131 Visita a l'alcárcel ERON La Picota. Bogotá, 18 d'abril del 2024.

132 Visita a l'alcárcel ERON La Picota. Bogotá, 18 d'abril del 2024.

133 Visita a l'alcárcel ERON La Picota. Bogotá, 18 d'abril del 2024.

"Toi condergáu a 18 años por rebelión, pertenezo al ELN, delitos de rebelión y secuestru. Nun me dan la llibertá condicional pol tipu de 'conducta punible', esto ye, por ser guerrilleru. Equí nun atienden les emergencies de salú de los internos. Dalgunos muerren esperando atención médica.

Toos nós pidimos que se mos reconozca'l calter de presos políticos y qu'haya un tratu diferencial. Somos guerrilleros del ELN. Los presos políticos tenemos raíces sociales, somos lluchadores sociales, nun somos víctimes, nin héroes, nin mártires. Asumimos les consecuencias de la nuesa rebeldía y reivindicamos drechos dientro de la prisión".¹³⁴

134 Visita a l'alcárcel ERON La Picota. Bogotá, 18 d'abril del 2024.

“El gobiernu incumple alcuerdos de payares del 2023 polos que quien teamos conseños hemos pasar d’alta a mediana seguridá, onde ye más fácil recibir visites. Alcordóse col Comité Orlando Quintero Páez l’aplicación del conseñamientu a más de trescientos presos, que deberíen treslladamos a otros alcárceles”.¹³⁵

Reunión cola Consejería Mayor de la ONIC

El gobiernu mayor de los pueblos indíxenes de Colombia denuncia la continuidá de los ataques a los pueblos orixinarios, agravando'l riesgu d'estinción física alvertiu pol Relator de la Organización de Naciones Xuníes pa los Pueblos Indíxenes y pola Corte Constitucional de Colombia.

“La guerra ta acabando con nós. Tenemos varios pueblos indíxenes confinaos, munches autoridaes indíxenes tán amenazaes de muerte por muchos grupos armaos qu’hai agora. En rexones del Cauca, del Putumayo, del Caquetá y na parte amazónica, cada día mátenmos comuneros y tírenlos a los ríos porque ehí naide los va ver. Si son comunidaes indíxenes pequeñes estermínemnos ensin poder sacar nin un comunicáu. Los narcotraficantes de coca, les mineres, les petroleres y delles multinacionales tán metíes na guerra porque-yos sirve pa quita-yos les tierres a los indíxenes, a los afros y a los llabradoros. Y al que proteste, al que denuncie, mátenlu. Y yá”.¹³⁶

“Agudizóse la guerra. El gobiernu fai abondo pol cambéu, pero ta débil y el Congresu válta-y les reformes. Los indíxenes nun sabemos faer presión, diplomacia. A la esquierda y a los indíxenes fáltamos dialogar y dexar d’engarramos. Andamos n’amarraces mientras mos quiten la vida y el territoriu. Tócamos trabayar ensin perder la esperanza. Van amenazamos, pero nun mos van callar”.¹³⁷



“Apostamos pola territorialidá indíxena, l’autonomía, el curiáu de la biodiversidá que ta nos nuesos territorios, aplicando la nuesa forma de vida y cultura. Al puelu sikuaní tán invadiéndolu los menonites, que tienen l’apoyu de l’alcaldía de Puerto Gaitán. Hai unos díes desapolinaron con violencia y acabaron con un llugar indíxena”.¹³⁸

“Tuvimos tensiones cola ONX y el so Relator porque tramiten burocráticamente les nueses denuncies y nun hai resultaos. Hasta ehí podíemos llegar. Toa organización

135 Visita a l’alcárcel ERON La Picota. Bogotá, 18 d’abril del 2024.

136 Reunión cola Consejería Mayor de la ONIC. Bogotá, 19 d’abril del 2024.

137 Reunión cola Consejería Mayor de la ONIC. Bogotá, 19 d’abril del 2024.

138 Reunión cola Consejería Mayor de la ONIC. Bogotá, 19 d’abril del 2024.

que se rellacione colos pueblos indíxenes tien de respetalos y la ONX nun fala col gobiernu de los pueblos indíxenes".¹³⁹

"Hestóricamente tuvimos tensiones colos afros pola recuperación de los territorios ancestrales y eso aprovecháronlo les instituciones y les organizaciones ilegales pa aumentar la confrontación. Tenemos espacios de diálogu colos afros, pero eso lleva tiempu".¹⁴⁰

"Al gobiernu de Petro pidímos-y ocho millones d'hectárees y entregaron dos millones. Vamos bien. Hai pueblos indíxenes a los que-yos falten tierres. Les empresas mineres, les hidroeléctriques y les enerxétiques presionen pa conseguir más llicencies mineres y usen a xente armao pa echamos de los territorios".¹⁴¹

"Yá nun hai diferencies ente les guerrilles, los paramilitares y la fuercia pública".¹⁴²

IMPAUTOS PSICOSOCIALES OBSERVAOS NA VIXÉSIMA VISITA A COLOMBIA

Según la Comisión de la Verdá, los impautos psicosociales defínense como les consecuencias emocionales, comportamentales y de pensamientu xeneraes en personnes, families, comunidaes y na sociedá con ocasión del conflictu. Dende'l punto vista psicosocial, estos impautos puen manifestase a traviés de traumes, crisis y duelos y tienen que s'abordar como parte de la reconstrucción del texíu social.

Pol venceyu directu col oxetu de la misión asturiana y col procesu de paz, consideramos relevante describir los impautos observaos na visita a Colombia. Hemos tener en

139 Reunión cola Consejería Mayor de la ONIC. Bogotá, 19 d'abril del 2024.

140 Reunión cola Consejería Mayor de la ONIC. Bogotá, 19 d'abril del 2024.

141 Reunión cola Consejería Mayor de la ONIC. Bogotá, 19 d'abril del 2024.

142 Reunión cola Consejería Mayor de la ONIC. Bogotá, 19 d'abril del 2024.

cuenta la cronicidá de munchos de los impautos descriptos, puesto qu'el conflictu armáu traviesa polo menos les últimes trés xeneraciones. Impautos como'l mieu o la desconfianza alcuéntrense presentes na sociedá colombiana de manera arraigonada.

L'hestóricu cambéu políticu actual asumióse por gran parte de la población colombiana como una meta en sigo mesma y como un elementu motivador pa seguir trabayando pol desañiciu de munches violencies, al afondar na comprensión de les lóxiques del poder y la esperanza de romper –por fin– el ciclu de violencia y opresión. Sicasí, el panorama sigue siendo insopportable.

Pasaos dos años de la llexislatura del cambéu, la continuidá, el recrudecimientu y la complexización de la violencia en dalgunos territorios, ta produciendo sentimientos de **desesperanza ya indefensión nes comunidaes, na so dirixencia y ente les personnes firmantes de la paz**, que sufren –amás del deterioru de les sos condiciones de vida– el riesgu creciente de que les asesinen, lo que-yos xenera una fuerte **desconfianza institucional** y sentimientos de **rabia**. Esto ye relevante pa la comprensión del rearme de les disidencies que ta asocediendo na actualidá.

Nos territorios visitaos pola delegación asturiana constatóse un recrudecimientu de la violencia y del **mieu**, y un aumentu de los procesos de **desarticulación comunitaria qu'afecten a les redes d'apoyu, la organización y la cohesión social**, los procesos de movilización y la respuesta énte la violencia sistemática soportada poles comunidaes. Tres munchos años de llucha, munches personnes qu'exercen papeles de dirixencia nes comunidaesrellaten **sentimientos de fracasu y culpabilidá**, lo que-yos supón un deterioru identitariu na so condición de cabezaleros y cabezaleres.

Dende un enfoque de xéneru, identifiquemos el regresu de táctiques de violencia que se sumen a los impautos anteriormente descriptos. Nesti sen, destacamos **l'allistamientu forciáu**, qu'ataca especialmente a les madres de los y les xóvenes víctimes, y que trai consigo sentimientos dañinos de fracasu y culpabilidá.

Estos impautos psicosociales tienen como ún de los daños más relevantes **l'aumentu de los suicidios**, identifi-

caos especialmente en poblaciones vulnerabilizaes, como la mocedá de les comunidaes indíxenes.

Amás, constatemos en diferentes audiencies la **falta d'apoyu psicosocial del Estáu a les víctimes del conflictu** énte situaciones de crisis o duelos por ataques o incluso l'asesinatu de familiares o personas d'importancia pa la comunidá, o situaciones d'allistamiento forciáu de menores.

A pesar de la situación difícil, la sociedá colombiana sigue desarrollando estratexes d'apoyu comunitariu y psicosocial cola intención d'amenorgar los impautos del

conflictu. Ensín estes estratexes autoxestionaes nun se podría entender la enorme resiliencia qu'observamos añu tres añu nes visites de la delegación, a pesar de toles dificultaes impuestes.

La nuesa observación directa permite recomendar al gobiernu colombianu l'incluir la perspectiva psicosocial pa la mejor comprensión del contestu actual y l'aplicación de midies d'apoyu psicosocial especializáu como parte de la reparación a les víctimes y a quien defenden los drechos humanos.



Arte juvenil en medio del conflicto. Buenos Aires/Cauca.



Congreso de la República.

CONCLUSIONES

Hai una voluntá clara, reiterada, del gobiernu del cambéu –presidíu por Gustavo Petro y Francia Márquez– de cumplir l'alcuerdu de paz, respetar los drechos humanos, llestitimar les dirixencies sociales y construyir la paz; y l'evidente propósitu de sectores interesaos en caltener la guerra y desestabilizar tovía más pa volver ingobernable'l país.

El conflictu armáu espárdese y degrádase nes rexones visitaes, y de manera preocupante nel Cauca y el Valle del Cauca, acompañáu pol narcotráficu, la minería y los agronegocios, a pesar de los ceses del fueu pautaos dende l'añu pasáu, que baxen la intensidá de la confrontación armada, pero nun allivia la situación humanitaria de les comunidaes rurales.

Sigue y aumenta l'asediu criminal a la dirixencia social y les personas firmantes de la paz, que siguen cayendo asesinaes con impunidá, quedando cuestionados los sistemes de protección y la promesa de garantíes pa la vida.

Sigue la complicidá ente la fuerzia pública y dalgunos grupos armaos, que siguen delinquiendo a la lluz del día.

El mayor esfuerciu por preservar la vida y la naturaleza faenlu les guardies indíxena, llabriega y cimarrona, que traten d'evitar el control de los sos territorios por parte de grupos armaos preservando la esperanza de paz y l'autonomía comunitaria.

La Procuraduría Xeneral, con un claru sesgu partidista a favor de grupos conservadores, ta faciendo un usu perversu de la función disciplinaria.

Persiste la deficiente atención a les víctimes y a les necesidaes específiques de les

mujeres y de les personas del colectivu LGTBIQ+ víctimes d'ataques, que van n'aumentu.

L'esllarigamientu y l'allistamiento forciáu medren nos territorios percorriós pola nuesa delegación, y ello ta lligao col actuar violentu de los grupos armaos, qu'estorsionen y sirven d'avanzada a intereses del narcotráficu y de la minería.

Nes alcárceles persiste l'estáu de coses inconstitucional, con efectos graves pa miles de personas recluyíes.

Les denuncias recibíes dan cuenta del papel na violencia por parte d'empreses multinacionales, que nun asumen la so responsabilidá social, ambiental y penal, como la EPS SANITAS, ENEL-EMGESÁ, Hocol, Parex ResouRces, Mauren ando Prom – Francia, CEMEX, TELPICO, OUT CROP SILVER AND GOLD CORP CANADA, HOLCIM SUIZA y l'AngloGold Ashanti.

Resaltamos los avances del Ministeriu d'Agricultura col programa de reforma agraria en beneficiu del campesináu y na producción d'alimentos pal consumu internu.

RECOMENDACIONES AL GOBIERNU DE COLOMBIA:

Dotase d'una política d'Estáu qu'asegure'l cumplimiento del alcuerdu de paz, con independencia de coxuntures polítiques, que resuelva la descoordinación ente instituciones.

Priorizar nos ceses del fueu midíes que lleven a allivios humanitarios y al respetu pola vida de la población civil y de la dirixencia social.

Difundir les conclusiones de la Comisión de la Verdá y seguir les sos recomendaciones pa evitar la impunidá y la repetición.

Garantizar l'accasu a la xusticia a les mujeres y a otros sectores sociales vulnerables, y tomar midíes pa evitar l'allistamiento de menores con fines bélicos o d'esplotación sexual o llaboral.

La Fiscalía tien d'asumir la responsabilidá d'investigar con dilixencia los actos de corrupción y los ataques a los

drechos humanos cometíos por axentes del Estáu, y dexar d'usar la xusticia pa persiguir opositores sociales y políticos.

RECOMENDACIONES A LOS GOBIERNOS ASTURIANU, ESPAÑOL Y EUROPÉU:

Apoyar de manera decidida'l cumplimiento del alcuerdu de paz y los diálogos hacia la paz dafechu.

Centrar la cooperación internacional na reconstrucción del texíu social y organizativu, rotos pol conflictu armáu, y abrir espacios de comercialización nEspaña pa los productos de los proyectos de paz de les personas firmantes y de les comunidaes qu'intenten pervivir nos territorios. "Consumamos paz".

Promover y fortalecer los programes de protección pa personas defensores de los drechos humanos.

ORGANIZACIONES ENTREVISTADES

ACIN, Asociación de Cabildros Indíxenes del Norte del Cauca: Texíu en Defensa de la Vida resguardu nasa de Canoas, resguardu Cerro Tijeras (Suárez), territoriu nasa de Silvia y La Calera (Miranda), territoriu Páez (Corinto) Jambaló, resguardu Huellas (Caloto) Tacueyó, resguardu López Adentro; cabildru Playón Alto Naya

Alcalde de Buenos Aires

ANDAS, Asociación Nacional d'Ayuda Solidaria

ASCAMPRO, Bugalagrande

ASOCAT, Asociación de Trabayadores de les Zones de Reserva Llabriega de Totoró

Asociación de Muyeres embera de la comunidá de Pulgarín
Asociación de Víctimes de Cañamomo

ASOJUNTAS Arbeláez, Asociación de Xentes d'Aición Comunal

ASONAFRO, Asociación Nativa d'Afrodescendientes

ASOVIC, Asociación de Víctimes de Caldas

ASTRACAVA, Asociación de Trabayadores Llabriegos del Valle del Cauca

Cabildru indíxena Nueva Conquista

Cabildru indíxena Valle del Sol

CNA, Coordinador Nacional Agrario

COMUNES, partíu políticu

Comunidá indíxena El Nogal

Comunidaes embera: Portachuelo, La Iberia, Paneso, Cañamomo, Miraflores, Alto Sevilla, Tumbabarreto

COOMIPAZ Riosucio

COORDOSAC, Coordinadora Departamental d'Organizaciones Sociales, Ambientales y Llabriegues del Caquetá

CORDECAMPO, Corporación pal Desarrollu Integral y la Defensa del Campu Colombianu

CORFODECT

CPDH, Comité Permanente pola Defensa de los Derechos Humanos

CSPP, Comité de Solidaridá colos Presos Políticos

CUT, Central Unitaria de Trabayadores de Colombia, Secretariu Xeneral, departamentos de Muyer, Relaciones Internacionales, Investigación y Proyectos

FENSUAGRO, Federación Nacional Sindical Unitaria Agropecuaria

Fundación Foro por Colombia

Fundación Hasta Alcontralos

Fundación otra Escuela

JAC Calima (Darién)

Xuntanza de Muyeres d'Arbeláez

MOVICE, Movimientu de Víctimes de Crímenes d'Estáu Capítulos de CALDAS, TOLIMA, VALLE, CAUCA, BOGOTÁ

ONIC, Organización Nacional Indíxena de Colombia

Organizaciones sociales del Tolima, conceyos d'El Fresno, Mariquita, Planadas, Chaparral, Ataco, Ibagué, Espinal y El Guamo

Rede de Vixilancies Ciudadanes de Fusagasugá y Sumapaz

Resguardu embera chamí Cañamomo y Lomaprieta

Resguardu kwet Wala-Dxüüs Yat Nasa

Resguardu Pueblo Nuevo Ceral, Buenos Aires/Cauca

Resguardu Sipirra

SIMATOL, Sindicatu de Maestros del Tolima

Sindicatu de Trabayadores del Hospital d'Arbeláez

SINTRACAÑAIZUCOL, Sindicatu Nacional de Trabayadores de l'Agroindustria de la Caña d'Azcre de Colombia

SINTRASEPAZ, Sindicatu de Trabayadores de la Seguridá y la Protección pola Paz

Somos Tierra

Territoriu Colectivu La Balsa (Buenos Aires, Cauca)

Trujillo

UNIVALLE, Universidá del Valle

Collación La Carbonera (Pradera, Valle del Cauca)

INSTITUCIONES

Embaxada d'España

Dirección de Derechos Humanos del Ministeriu del Interior

Ministeriu d'Agricultura

Unidá de Busca de Persones daes por Desapaecíes UBPDD

Defensoría del Puelu Ibagué, Procuraduría Ibagué

Alcalde de Riosucio (Caldas)

Consejo Municipal de Juventudes de Riosucio

Alcaldes d'Arbeláez, Pasca, Cabrera, Venecia, Personera d'Arbeláez, Procuradora Provincial de Fusagasugá

Persones acoyíes pol Programa Asturianu:

ADRIANA LIZARAZO

ANDRÉS NARVÁEZ REYES

ARISTIDES OIME OCHOA

AURA JIMENA CARABALÍ MOZORONGO

BEATRIZ BLANCO FUNEZ

CARLOS EDUARDO ROA

CRISTINA PARDO

GILBERTO SLINAS NOVOA

OMAR MONTENEGRO PARDO

JEFFERSON CORREDOR UYAVÁN

JIMMY ORTIZ

NOEMI ARDILA

RAMIRO ORJUELA AGUILAR

WALTER AGREDO

PRENSA y REDES:

<https://www.senado.gov.co/index.php/component/content/article/13-senadores/5416-visita-de-la-delegacion-asturiana-a-la-comision-legal-de-derechos-humanos-y-audiencias-del-senado-de-la-republica?Itemid=101>

<https://saludcomunitaria.wordpress.com/2024/04/21/superar-la-violencia-es-posible-si-lo-somos-lo-construimos/>

<https://movimientodevictimas.org/la-delegacion-asturiana-de-derechos-humanos-y-paz-en-colombia-acompano-la-audiencia-internacional-estado-de-derechos-humanos-y-de-la-paz-en-tolima/>

<https://movimientodevictimas.org/el-capitulo-caldas-recibio-a-la-xx-delegacion-asturiana-de-derechos-humanos-y-paz-en-colombia/>

<https://semanariovoz.com/delegacion-asturiana-verifico-situacion-de-derechos-humanos/>

<https://www.facebook.com/periodico.arbelaez/>

<https://pachakuti.org/vigesina-delegacion-asturias-colombia/>

<https://www.codopa.org/xx-delegacion-ddhh-colombia>

<https://www.nortes.me/2024/04/11/la-delegacion-asturiana-de-derechos-humanos-ya-esta-en-colombia/>



Con la consejera mayor del resguardo López Adentro.

COL APOYU DE:

Ayuntamiento
de Llangréu



Sol~~depaz~~ Pachakuti